

球
圖
章
編

清
鑑
綱
目

世界書局印行

中華民國二十五年三月初版

清鑑綱目 (全一冊)

定價國幣一元八角

(外埠酌加運費匯費)

編輯者 印鸞章

出版者 國學整理社

發行者 世界書局

印刷者 世界書局

上海及各省 世界書局

凡例

一本書體例依據袁王綱鑑合編分綱目二種以年爲經以事爲緯俾得與袁王綱鑑合編及明鑑成爲首尾一貫之完史

一依綱鑑定例凡關於國之興亡世之治亂帝王將相之賢否土地人民之分併與夫政治制度之沿革文化經濟之變遷凡足以觀摩而昭鑑戒者無不詳審精當羅集備舉其無補於世教民彝有溷正史者悉置弗錄

一本書凡十六卷自太祖開國起至宣統遜位止凡其間二百六十九年之事跡簡其撰述詳其考證成爲一銜接明鑑之史使讀者得於有清一代家國興亡政治得失均能瞭如指掌

一綱目於歷代紀年之際凡正統則用大書非正統則用分注其界最嚴本書亦仍其例如明末清初仍用一年兩系之例意亦存其正統也

一綱目於命官時惟宰臣皆書餘官非有故不書今沿其例凡宰臣之拜免及卒皆書餘官黜陟及名賢生卒有關政教者亦特書例書之

一專制時代對於革命人物往往目爲盜匪如洪楊之變舊史必書爲盜

或寇斯實有乖正誼。本書悉加釐正。

一清季外交失敗。與各國所訂不平等條約。本書不憚繁冗。詳爲記載。冀後之秉政者有所警惕也。

一清代地名都邑。民國已多更改。本書悉按最近劃定區域。概爲注明。

一編撰本書。參攷書達六十餘種。除東華錄皇朝三通及大清會典等官書外。餘皆爲名人所撰可信之書。

一本書竭個人心力。增修刪訂。歷數年之久。始克於成。然疏漏舛誤。在所不免。當世宏達。幸賜匡正。

清鑑綱目目次

開國紀要……………一

太祖高皇帝……………二

太宗文皇帝……………一

世祖章皇帝（順治）……………二一

聖祖仁皇帝（康熙）……………一七七

世宗憲皇帝（雍正）……………三一三

高宗純皇帝（乾隆）……………三七三

仁宗睿皇帝（嘉慶）……………四八九

宣宗成皇帝（道光）……………五四一

文宗顯皇帝（咸豐）……………五八七

穆宗毅皇帝（同治）……………六五七

德宗景皇帝（光緒）……………七二三

宣統帝……………九三五

清代帝系表……………一〇〇四

清鑑綱目卷首

鹽城印鸞章編輯 金式陶 張延壽 趙雪 胡應庚 校訂

開國紀要

滿洲之
崛起

清之先世為滿洲滿洲者居於長白山之東蓋古女真即金國遺種也

自蒙古滅金後通古斯族勢力日衰相傳有布庫里雍順者以愛新

覺羅為姓始居吉林北境俄莫惠之野鄂多里城建國曰滿洲是為

清人開國之始祖按始祖開基在金之末造由布庫里雍順數傳而後國內大亂

舉族被戕幼子范察僅以身免又數傳至都督孟特穆即崇祖原皇帝誘誅

仇人恢復故地時當明正統景泰之交始徙居赫圖阿拉是為興京

距盛京二百七十里即明之建州右衛也孟特穆三傳至都督福滿

即興祖直皇帝生覺昌安即景祖翼皇帝盡收蘇克素護河西二百里內諸部落國

勢始大覺昌安生塔克世即顯祖宜皇帝塔克世生三子長曰努爾哈赤即

太祖高皇帝也

附記

滿洲源流考曰滿之先世姓愛新覺羅氏發詳於長白山山高二百餘里綿亙千餘里山上有潭周八十里鳴呼混同愛濤三江出焉山之東曰布庫里山下

有池曰布爾湖相傳有三天女浴於池神鵝銜朱果置季女衣季女含口中忽入腹遂有孕尋產一男及長因命之曰汝以愛新覺羅為姓布庫里雍順為名天生汝以定亂

國汝宜誌之。汝順流而往。即其地也。乘以小初。順流下。至河濱。登岸。折柳枝。及蒿。為坐具。時其地有三姓。爭為雄長。日構兵相仇殺。亂靡定。有取水河濱者。見而異之。歸以語衆。衆往觀。詰所自來。答曰。我天女所生。以定汝等之亂。且告以姓名。衆驚曰。此天生聖人也。交手為昇。迎至家。三姓者。謂曰。我等盡息爭。惟此人為國主。以女百里妻之。尊為貝勒。其亂乃定。於是居長白山東。俄漢惠之野。俄朵里城。國號滿洲。是為國基之始。數世後。不善撫其衆。國人叛。布庫里雍順之族。幼了名。范察者。適於荒野。國人追之。會有神鵠。止其首。追者遙望。鵠棲處。疑為枯木。遂止。范察得不死。又數傳。于肇祖原皇帝名都督孟特穆。生有智勇。慨然以恢復為志。歸為先世仇人。過半於是。始居赫圖阿喇地。一即今遼寧興京縣。生子二。長充善。次褚享。充善子三。其三即興祖直皇帝名都督福滿。與祖生子六。其四即景祖翼皇帝。六子各居一地。稱為甯古塔貝勒。景祖生子五。其四即顯祖宣皇帝。名塔克世。時近地部落。名頤色納者。恃其強。侵陵諸路。景祖命長子禩。殺之。滅其族。盡收蘇克蘇河。西二百里內。諸部。國益強盛。後與顯祖名阿哈納者。欲聘薩克達路長之妹為妻。薩克達路長以阿哈納質不許。而嫁其妹於董鄂部主子。遂相仇怨。引兵攻掠甯古塔貝勒東南。二路甯古塔時分。居十二處。乃謀合併。與皇孫吳泰者。敗其謀。遂分裂勢弱。而諸國紛亂。互相雄長。時顯祖嫡妃喜塔喇氏。即宣皇后。生三子。長即太祖努爾哈赤也。太祖生而龍顏鳳目。偉軀大耳。大表玉立。帝若洪鐘。儀度威重。舉止非常。騎射軼倫。剛果能斷。凡所瞻。終身不忘。國人稱之曰聰明貝勒。明萬歷時。以尼堪外郎陰謀。誘明兵攻甯古塔諸部。景顯二祖被害。太祖乃奮志復仇。卒取遼東。廣甯諸地。創立安業。混一區宇。之丕基。蓋肇於此。

●太祖高皇帝

名努爾哈赤。顯祖塔克世長子。在位四十有三年。初登可汗位。至明萬曆四十四年。稱帝。遠元天命。凡十有一年。崩壽六十有八歲。

太祖努爾哈赤生而英毅有武略。凡所睹記。終身不忘。國人稱之曰

聰明貝勒。其開國方略。凡六首。統一滿洲諸部。次征服扈倫諸部。次

伐明。圍撫順。克清河堡。殲薩爾濟之師。遷都遼瀋。敘次如左。

一 統一滿洲諸部

太祖
方略

滿洲凡六部曰覺羅部曰蘇克素護河部曰渾河部曰完顏部曰董鄂部曰哲陳部努爾哈赤爲愛新覺羅部長覺羅部外以蘇克素護河部爲最強先是蘇克素護河部有尼堪外蘭者爲圖倫城主頗效忠明室陰與明總兵李成梁合軍攻古疇城其城主阿太章京之妻爲覺昌安之孫女努爾哈赤之從姊也覺昌安聞古疇有難恐孫女被獲卽偕其子塔克世率兵往援既至入城助守而尼堪外蘭給城民作亂殺阿太送欵於明並擒覺昌安父子誅之努爾哈赤時二十有五歲矣聞之大怒誓志復仇先遣使詰明邊吏明謝誤殺罪歸其祖與父之喪賜勅三十道馬三十匹封努爾哈赤爲龍虎將軍建州左衛都督努爾哈赤曰害我祖父者尼堪外蘭也當先滅之遂以萬歷十一年以其遺甲十三副攻圖倫城尼堪外蘭退保甲版又被迫走撫順欲入明邊明邊吏懼啓釁逐之遂逃鄂勒琿築城居之以中隔董鄂渾河諸部追兵不能及努爾哈赤遂改變行軍方略用兵先自近部始於是首攻蘇克素護河部之瓜爾佳城次攻渾河部之貝瑋城哲陳部之託摩城及董鄂部皆克之遂越諸部進迫鄂勒琿尼

滿洲初起時諸部表

統一滿洲諸部

西		海			州					建		衛 部 名 號 今 地
倫		扈			山	白	長	洲		滿		
烏	葉	哈	輝	珠	鴨	納	哲	董	完	渾	蘇	覺
拉	赫	達	發	舍	綠	般	陳	鄂	顏	河	克	羅
吉林省城	遼寧東遼河流域	遼寧輝北縣西境	遼寧輝南縣地	遼寧臨江縣北	遼寧鴨綠上流北岸	遼寧長白縣境	遼寧柳河縣東	遼寧通化縣北	吉林敦化縣西	遼寧新賓西北	遼寧柳河縣境	遼寧新賓

堪外蘭復逃入明。努爾哈赤以執付仇入請。明邊吏執尼堪外蘭送努爾哈赤軍斬之。並歲賜銀八百兩。蟒緞十五匹。開撫順清河寬甸。綏陽四口為通商所。冀以結其歡心。努爾哈赤復乘勝攻克完顏部。於是五部皆服。越四年。又征服長白山之鴨綠江部。兵威益振。駸駸然合大東而奄有之矣。



明初滅元分關外地為三衛。一曰建州衛。統滿州六

部。及長白山三部。一曰海西衛。統扈倫四部。一曰野人衛。統東海三

部。皆在今遼寧吉林之間。其時明人疆圍盡於今開原鐵嶺遼陽瀋

陽海城。蓋平諸地。其東北皆為權力所不及。三衛之建。不過仿唐

野	東	渥	集	吉林寧安東北窩集地
瓦爾喀	吉林延吉縣北境	庫爾喀	吉林寧安六塔河流域	
人	海			

廣州之制以略示羈縻而已。至神宗萬曆時。此三衛中諸部互相雄長。扈倫在滿洲之北。其勢最彊。及滿洲六部中。努爾哈赤崛起於覺羅部。遂合併諸部。而建立多一統之大帝國。以與明室相抗拒。

二 征服扈倫諸部

努爾哈赤之用兵也。先自近部始。其始攻克滿洲五部。繼乃北向與扈倫諸國爭雄。長扈倫者。明之海西衛地也。海西四部。葉赫最彊。為塞外諸國盟主。及努爾哈赤統一滿洲。又收服鴨綠江部。盡有其衆。疆土日擴。葉赫酋長納林布祿忌其強。乃遣使滿洲。以均勢之說。相要挾曰。扈倫四部。言語相通。勢同一國。今斯有國土。爾多我寡。盍割地與我。努爾哈赤不應。納林布祿乃糾合扈倫四部。及蒙古之科爾沁。錫伯。卦勒察三部。長白山之珠舍哩。納殷二部。計共九國。聯軍來攻。衆凡三萬。分三路進兵。陣於渾河北岸。努爾哈赤聞聯軍大至。引兵至扎喀城。乘城觀之。謂諸將曰。烏合之衆。其心不一。殪其前鋒。必自退。因而乘之。蔑不勝矣。乃移軍疾馳二百里。至古時山。據險而陣。發百騎挑戰。葉赫西城酋長布寨。科爾沁酋長明安。先衆突進。布寨

征服諸部

建國大金

馬觸木陪努爾哈赤兵即斬之乘勝長驅明安陷淖易馬遁聯軍遂
 大潰努爾哈赤遂北數十里斬首四千級諸部大震先後屈服納林
 布綠不得已納其女以和此明萬曆十九年事也未幾葉赫復叛與
 哈達同謀抗拒努爾哈赤怒乃發兵先擊哈達克其城滅之繼又滅
 烏拉輝發二部又北略東海諸部兵力益強疆土大拓萬曆四十四
 年正月朔滿洲諸貝勒大臣奉表勸進尊努爾哈赤為覆育列國英
 明皇帝立國號曰大金建元天命定都興京

附記

清之先本出於金代女真部族太祖努爾哈赤初建國號曰大金旋以區別於
 前代之金改稱後金此事見日本人所記清初國事甚夥如三島雄太郎之支

那近三百年史及稻葉君山之清朝全史等言之甚詳今幸天盛京城撫近門之扁額
 尙有大金字樣而清代官書皆深諱之其諱稱大金實自太宗皇帝太極始皇太極承太

祖其業復加開拓其後疆域日廣境內包有蒙古人漢人朝鮮人及西藏人等不止女
 真一族大金國號不適於對待外族之用且漢人對於金人素多惡感尤與招徠各族

為非宜因於即位後之第十年改國號為清並將前此之文書部面書大金者一律改
 為滿洲滿洲音近曼殊本佛名顯意謂清之帝主為佛之化身用以籠罩各族之人心

較大金為廣大自此滿清一代三百年官私文字咸稱崇德以前為滿洲而大金及後
 各諸名稱遂無依據可怪者清之部族實為女真女真起於遼後避遼興宗諱改稱

女直歷金元皆稱女直至明復舊稱為女直而清人自認滿洲為其部族不認女真故
 修明史時凡遇女真事皆削去尤奇者字典注中凡女字直字直字下皆無女真女

直等字樣諱府亦不敢女真女直字樣滿洲源流考獨詳東夷各部族獨無女直專條
 僅於文字中一見女真字樣清歷世示人以不慮以故制筆之臣小廉曲諱以媚一人

寧失史家之實無犯溫樹
 之戒由今思之可謂陋矣

制國書

定旗制

葉赫負固

大舉伐明
七大恨
告大

三 初次代明之役

努爾哈赤既稱帝於是製國書

洲立諸文字

定旗制

初兼併諸國分其衆為旗以純色為別曰黃曰紅

曰藍曰白是又增設四旗以雜色鑲之曰鑲黃鑲紅鑲藍鑲白分左右翼共為八旗

置理刑聽訟大臣五人佐者十人

以分治國事

凡有大訟獄佐者十人審問言之在大臣五大臣覆審官諸貝勒衆議既定猶慮或有冤抑必令訟者跪帝前更詳鞠之故軍情皆得上達國

治內大

使國民皆兼習兵農刈穫既畢則縱牧羣畜於山野由是國富

民殷歸附者日衆時海西四國已平其三惟葉赫恃明之援負固不服努爾哈赤惡之初明人之設海西衛也分南北二關以哈達為南關葉赫為北關哈達既滅南關已失所恃者惟北關而北關偏處開原鐵嶺尤邊疆之屏蔽薊遼總督蹇達亟上疏陳東方隱憂不可不早為之備於是神宗乃屯重兵於關原而以火器兵助葉赫防守為犄角之勢葉赫既恃明之援與滿洲抗衡而明亦倚葉赫之強為遼東之保障努爾哈赤乃聚諸貝勒謀曰葉赫恃明之援今若先圖葉赫則明兵擣我之虛不若大舉伐明先挫明兵然後再圖葉赫諸貝勒曰善遂於萬曆四十六年興師伐明臨行以七大恨告天略曰我祖父未損明一草寸土明邊吏輕信尼堪外蘭之言無故啓衅殺我

陷撫順

克清河
倭

楊鎬出
師

祖父一也。設碑勒誓。明不遵守。逞兵越界。衛助葉赫。二也。明以擅殺
爲詞。拘我使臣。脅取我十人。抵罪邊境。三也。明助葉赫。致葉赫背約。
以其許字滿洲之女。改適蒙古。四也。我滿洲累世所守疆土。耕田藝
穀。明不許刈穫。遣兵驅逐。五也。葉赫渝盟。召畔。明乃偏信其言。遣書
詆詈。肆行慢侮。六也。哈達助葉赫。兩次來侵。旣被征服。又脅我復其
國土。七也。遂進軍圍撫順。降其守將李永芳。夷其城而還。是年秋。復
進軍克清河堡。全遼大震。明神宗起楊鎬爲經略。合朝鮮葉赫兵。共
四十七萬。以禦努爾哈赤之兵。

四 薩爾滸之戰

萬曆四十七年春。明遼東經略楊鎬。集兵瀋陽。分四路出師。山海關
總兵杜松出中路之左。由渾河入撫順關。廣甯道張銓監之。遼東總
兵李如柏出中路之右。由清河入鴉鶻關。遼陽道閻鳴泰監之。開原
總兵馬林出北路。由開原會葉赫兵。出三岔口。開原道潘宗顏監之。
遼陽總兵劉綎出南路。會朝鮮兵入寬甸。海蓋道康應乾監之。而以
遊擊崔一琦別監朝鮮兵。合趨滿洲都城。號四十七萬。期以三月一

薩爾濟
山之戰

杜松敗
死

馬林遁
走
李如柏
潰散

劉綎戰
死

日會二道關並進。會大雪。兵不能前。師期洩。杜松欲立首功。先期渡
渾河。連克三小砦。遂乘勝趨薩爾濟谷口。以三萬衆屯薩爾濟山。而
自引兵二萬攻界藩。努爾哈赤方築界藩城。夫役萬五千。以精騎四
百護之。聞松軍至。伏精騎谷口。以待。俟松軍過。伏發。尾擊之。至界藩
渡口。以夫役千人相助。反攻。而自率六旗兵直趨薩爾濟山大營。甫
戰。日未昃。忽大霾晦。咫尺不相辨。明兵列炬以戰。努爾哈赤自暗擊
明。萬矢雨集。發無不中。而明兵由明擊暗。銃礮皆中樹林。遂乘晦拔
柵踰塹。佔領薩爾濟山。潰其軍三萬。松聞耗來。援山上兵據高馳下。
與山下兵夾攻。衝松軍爲數隊。松中矢死。全軍盡覆。此中路左軍也。
北路馬林兵出三岔口。聞松軍敗。結營自固。努爾哈赤乘高奮擊。林
大敗。遁走開原。潘宗顏力戰死之。楊鎬聞耗立檄止如柏。劉綎兩軍。
如柏至虎欄關。滿洲守兵二十人見之。登山鳴螺。作大軍追擊狀。如
柏軍大潰。奔走相蹴。死者數千人。時劉綎已深入三百里。至深河。克
三砦。不知松軍之覆沒也。整衆前進。登阿布達哩岡。會努爾哈赤兵。
亦登岡出其上。而別以一軍趨綎西岡。上自高馳下。趨綎西者復從。

旁夾擊已乃張松旗幟被其衣甲以給縱縱軍大亂力戰死縱驍將也既戰死明師喪氣康應乾及朝鮮兵營富察之野努爾哈赤移師邀擊大破之應乾僅以數百騎免一琦敗走朝鮮營朝鮮帥懼率衆降一琦投崖死時馬林走開原努爾哈赤移師攻之乘勝遂取開原鐵嶺是年八月努爾哈赤復進兵葉赫葉赫不能支遂被滅自是明之南北兩關於是言語相同之國悉歸於一疆域西至遼南至朝鮮東際海北抵黑龍江矣

五 遷都遼瀋

初楊鎬既敗明廷逮鎬治罪以熊廷弼代之廷弼有文武才善用兵熟邊事集大軍十八萬分布諸要隘倡固守之策努爾哈赤以此按兵不進者年餘天啓初明臣忌廷弼者爭劾其不戰廷弼遂乞罷以袁應泰代之應泰故循吏非治邊才且不知兵會蒙古大饑諸部多入塞乞食應泰奏請收撫招降萬餘人分處遼瀋兩城優其廩食與民雜居欲倚爲助而此降人轉爲滿洲耳目天命六年春努爾哈赤率兵攻瀋陽克之總兵賀世賢戰死三月攻遼陽應泰集諸軍分陣

滅葉赫平

熊廷弼

袁應泰

招降蒙
古

克遼瀋
二城

徙都遼
陽

徙都瀋
陽

寧遠之
役

太宗開
國方略

固守滿洲兵冒礮火登城據其一隅城中遽大亂應泰自焚死城陷
蓋皆降人爲之也努爾哈赤既克遼瀋二城分兵四略於是遼河以
東之堡塞營驛及海蓋金復諸州大小七十餘城以次俱下遂由興
京徙都遼陽明年渡遼河進取廣寧又連陷四十餘城明兵退入山
海關遂由遼陽遷都盛京卽今之遼甯瀋陽縣也越數年努爾哈赤
復率大兵攻寧遠明巡撫袁崇煥守之火器礮石齊下不能克乃嘆
曰朕自二十五歲興兵征伐以來戰無不勝攻無不克何此寧遠一
城竟不能下豈非天耶因不懌者累日旋卽病卒其第八子皇太極
嗣位改元天聰是爲太宗文皇帝

附記

清太祖努爾哈赤姓英毅寬不狃人有子十六人又皆起武夫奮勇善戰每有征伐輿諸貝勒(諸諸子)適野而謀畫地而議上馬而傳令簡而速

故軍雖不舉分部下爲八旗每臨敵七旗却走一旗拒戰卽以七旗佐領之丁分給一
旗一旗却走七旗拒戰者亦如之國民十餘萬戶分處遼河東西無事則耕獵有事則
徵調戰勝則分俘而受賞人自爲兵兵自爲餉故無養兵之費而用靡
不給起兵二十年而國基開又十年而王業定雖曰天命豈非人事哉

太宗文皇帝

名皇太極太祖第八子母孝慈高皇后葉赫貝勒楊吉努之女初爲西
貝勒太祖征討所向有功既卽位建元天聰尋改崇德始定國號曰

清在位十有七年
壽五十有二歲

太宗既嗣位雄武英毅不讓太祖其開國方略凡四首征服東海諸

部次平定內蒙古次征服朝鮮再次則爲六次伐明之役茲分別言之。

一 征服東海諸部

方太祖之併有扈倫也同時復經略東海諸部東海者明之野人衛地也其部凡三皆在吉林寧古塔以東東南濱日本海有瓦爾喀者當今烏蘇里江上流至綏芬河以西濱海一帶皆其部落與朝鮮咸鏡道相隣太祖嘗屢攻之收其地降其人又以瓦爾喀部衆有流寓朝鮮者請於明明諭朝鮮放還千餘戶然猶未盡服也迨太宗時復分兵四路各攜嚮道造海舫次第收其濱海島丁自是瓦爾喀部皆服瓦爾喀西北有庫爾喀者佔虎爾哈河流域太祖時嘗遣額亦都俘其札庫塔人未幾其部長以百戶來歸太祖善遇之部衆踵至至是太宗復遣阿爾津等征服其部落之居黑龍江下流者俘其衆以歸於是庫爾喀亦平庫爾喀之東有渥集部太祖時命額亦都征收其衆萬餘還至是全部來歸於是東海三部悉平其餘諸小部若諾羅路若諾哲若薩哈連路若鄂倫春皆先後歸附而兵威所

征服瓦爾喀

征服庫爾喀

收服渥集等部

及直抵海中庫頁島。於是自黑龍江以南圖們江以北濱海部落及其附近大小羣島盡入版圖矣。是時黑龍江上流北岸至外興安嶺之麓。復有索倫部。其部長嘗入貢。太宗聞其俗善騎射。遣霸奇蘭率兵渡江。收其壯丁。厥後叛服無常。因遣穆什哈等征之。俘獲甚多。又調蒙古兵平其餘衆。於是遼金以來散居東北境之鮮卑部落悉統於滿洲。

二 平定內蒙古

蒙古部族大別爲四。曰內蒙古。曰外蒙古。曰厄魯特蒙古。曰青海蒙古。是也。內蒙古部落甚多。最著者有七。曰科爾沁。曰奈曼。曰敖漢。曰察哈爾。曰土默特。曰喀喇沁。曰鄂爾多斯。科爾沁在今遼甯之北。黑龍江之南。爲內蒙東部。察哈爾包有今熱河。察哈爾綏遠三特別區域。爲內蒙中部。而鄂爾多斯則在內蒙西部。居河套中。所謂河套蒙古是也。此七部中。察哈爾最強。而科爾沁初曾與扈倫諸部。九國聯軍合攻滿洲。爲清太祖所敗。後震其兵威。與奈曼敖漢諸部相率降附。獨察哈爾不服。其酋林丹汗尤雄桀。士馬強盛。嘗自稱爲統

林丹汗
之嗣強

太宗初
征察哈

多爾袞
再征察
哈爾

領四十萬衆蒙古國王巴圖魯成吉斯汗而稱清太祖努爾哈赤爲
水濱三萬衆滿洲國主貽書以夸之又自恃其兵力侵陵同族諸部
破喀喇沁滅土默特東西馳逐所至掠奪諸部不堪其虐相率走避
其北走者渡翰海依喀爾喀其東走者則依科爾沁林丹汗惡科
爾沁之降附滿洲也悉師攻之科爾沁不能敵乞援滿洲同時明人
方困守遼西歲賂林丹汗百餘萬爲屏蔽林丹汗因助明攻滿洲之
遼東地時太祖已死太宗嗣位怒林丹汗之無禮侵擾也亦數遣師
襲察哈爾邊境雖未大勝而林丹汗之威勢漸衰及天聰六年太宗
率大軍征察哈爾會遼河漲溢軍士冒遼河晝夜行乘林丹汗不備
踰內興安嶺千三百里至其庭林丹汗謀拒戰而所部俱解體遂徙
其人畜餘萬衆由歸化城渡河西奔沿途離散僅存十之二三及
至青海之大草灘林丹汗忽病痘死其子額哲擁衆萬餘居河套外
越明年太宗命睿親王多爾袞再率師西征以逼之額哲欲依河套
中之鄂爾多斯而鄂爾多斯反攘其部衆千餘戶降於清於是額哲
知不可抗乃率其衆奉傳國璽以降傳國璽者元主中原時所得也

內蒙古
平

大清建
國

朝鮮助
明

太宗初
伐朝鮮

太宗以額哲爲元室嫡裔封爲親王內蒙古之大部遂平自元人北去其遺裔擾邊與明代相終始至是始歸平滅云

三 征服朝鮮

天聰九年四月諸王貝勒以太宗功德隆盛且前歲滅蒙古得其傳國璽知天命已歸於是奉表恭上尊號曰寬溫仁聖皇帝改建國號曰大清並改元崇德是爲大清建國之始時帝年四十有八舉前代遼金元舊部悉歸統一根本旣固乃得一意從事於中原然欲從事中原而其東鄰有爲梗阻者則朝鮮是也於是有征服朝鮮之役

初朝鮮自李成桂得國受明禮册封後世世臣服於明萬曆時日本攻朝鮮朝鮮幾亡賴明援得全故德明益深薩爾濟之役朝鮮遣將姜宏烈率師助明及戰敗宏烈以殘衆五千降滿洲太祖納之使其部將十餘以書歸諭朝鮮王令其自審去就而朝鮮王以不忘明德故不報謝仍助明將毛文龍守皮島攻滿洲之後太祖銜之及太宗卽位有朝鮮叛人韓潤鄭梅者亡走滿洲請爲嚮道以攻朝鮮太宗從之遣大貝勒阿敏率師伐朝鮮先破毛文龍兵於鐵山又進陷

太宗再
伐朝鮮

朝鮮降
服

義州諸城渡大同江長驅深入直逼其國都朝鮮王李侗挈妻子遁
江華島乞援於明同時毛文龍之衆爲滿洲兵所牽制不能赴援乃
遣使乞和而滿洲以無船舶不能渡海襲擊亦許之遂約爲兄弟國
訂盟而還此天聰元年事也 及崇德元年春太宗受尊號改建國
號遣使徵聘於朝鮮而朝鮮王侗事明猶父始終不貳與清廷抗禮
不肯推戴太宗賜書索送質子又不報太宗怒是年十一月親率大
軍再伐朝鮮渡漢江克其都城侗奔南漢山城告急於明明舟師出
海守風不敢渡而太宗圍南漢山城急破朝鮮諸道援兵獲侗妻子
於江華島侗懼始遣使乞降棄兵械服朝服獻明室所給封冊而躬
自來朝太宗見之於漢江東岸之三田渡自是朝鮮世爲臣僕者二
百四十餘年 朝鮮旣服皮島勢孤太宗遣兵與朝鮮夾攻取之由
是明失東方之大臂助

四 六次伐明之役

先是太祖之下遼瀋也諸貝勒欲遂取中原太祖不可曰昔金源蒙
古不居其國而入主中夏致易世之後子孫皆習成漢俗浸以衰弱

明清和
戰之始

明
初次伐

漢三王

明
二次伐

吾欲聽漢人居山海關以西我自居山海關以東滿漢各自爲國不
亦可乎及太宗卽位恪遵祖訓一以止戈息民爲念不欲與明輕啓
邊釁天聰元年春明寧遠巡撫袁崇煥遣使來弔賀並議脩好事太
宗欣然答書願尊明爲帝自降號爲汗祗明帝一格然崇煥非真欲
與清議和也特藉是以覘其虛實故國書三往和議卒不就 是時
清兵方有事於朝鮮崇煥得以其間修築大凌河及錦州諸城陰爲
恢復計會清兵征朝鮮歸局勢一變是年五月太宗親率大兵攻寧
遠崇煥力拒之回攻錫州亦不能克毀其大小凌河二城而還是爲
太宗初次伐明之役 已而明宦官魏忠賢當國以崇煥不救錦州
論罷之迨崇禎帝立忠賢伏誅復起用崇煥督師薊遼崇煥以皮島
大將毛文龍驕蹇不用命設計誅之文龍部將孔有德耿仲明尙可
喜三人叛明降清太宗大喜以爲得天之助皆優封王爵時稱爲漢
三王是也 時太宗忌崇煥甚卽用此機大舉伐明然以崇煥之拒
守寧遠也乃議取道蒙古拊直隸之背一面由喜峯口毀邊牆入趨
遵化入龍井關直薄京師一面縱反間謂與崇煥有密約引之深入

孫承宗
復關內
四城

三次伐
明

四次伐
明

五次伐
明

崇禎帝怒以崇煥前殺毛文龍已疑其有異志至是不暇窮究立逮崇煥下獄殺之以孫承宗代爲督師駐兵山海關太宗知中原未可遽定不欲究武乃爲議和書分置永定德勝諸門外而移師東歸時天聰三年十二月也是爲二次伐明之役太宗既退孫承宗相機引兵收復關內遵化永平遷安灤州四城清貝勒阿敏退走四城既復而後山海關方面乃可守論者以其恢復之功比諸岳武穆之朱仙鎮焉天聰五年春太宗以明兵制勝之道在西洋大砲乃設計招徠明礮工鑄紅夷大礮而令降將演習之是年秋復舉兵伐明卽以紅夷大礮攻大凌城克之明將祖大壽降孫承宗亦罷歸是爲三次伐明之役崇德元年七月復大舉伐明命英武郡王阿濟格分路進兵踰獨石口入居庸過昌平直逼燕京兵至保定凡克十二城五十六戰皆捷俘人畜十有八萬明督師張鳳翼宣大總督梁廷棟皆按兵不敢戰日服大黃求死九月始由建昌冷口引兵東歸是爲四次伐明之役崇德三年八月清師再舉太宗自率大兵向山海關而令睿親王多爾袞由密雲縣北毀牆子嶺而入會於涿州分兵八

明 六次伐

戰 錦州之

降 洪承疇

關 清兵入

道由蘆溝橋進趨良鄉下四十八縣孫承宗致仕在籍闔門死之督師盧象昇馳援宰相楊嗣昌忌象昇扼之兵單餉缺遂戰死清兵由德州渡河下山東州縣十六城克濟南執德王由樞去是爲五次伐明之役 崇德六年春太宗以大兵數入中原終不能得有尺寸地蓋山海關爲之隔阻也而欲圖山海關非先下關外四城不可關外四城者錦州松山杏山及塔山也於是決計先攻錦州築長圍以困之並扼松杏援師之路期以必克明督師洪承疇及總兵吳三桂率師往援以兵十三萬環松山三面而軍太宗聞之親率軍圍攻苦戰逾年城中食盡三桂敗走承疇被擒請降松山遂克錦州杏山塔山三城相繼亦陷先後死者五萬八千人薩爾濟戰後此爲最烈焉是爲六次伐明之役 自此役後明之元氣大傷明年癸未秋太宗皇太極殂子福臨卽位是爲世祖章皇帝世祖卽位之明年闖賊肆逆燕京失明陷崇禎帝殉國煤山吳三桂乞清兵入關平賊而天下遂爲清有矣

附錄

日本稻葉君山氏曰太宗包容漢人之禮度不獨見於孔歌尙三將歸降時節天聰三年生擒明永平巡撫張春其事始末見於湯文正所記者殊可驚異也

張存陝西澧州人。由舉官僉事。備兵於永平。崇禎四年。清兵入永平。生擒存。存妻盧氏。城破時已自殺。太宗重中國人。得中國人。必令生致之。既得存。大喜。欲官焉。存不屈。太宗善遇之。凡飲食供張。用具衣服。春皆屏而不視。惟向西而坐。哭日夜不絕聲。太宗更遣左右令為好語。勞春。聞自往拜。春不慰而罵。以為常。左右曰。彼囚也。安有及乘而為囚人。正者。太宗曰。是何言。吾身史乘中文。天祥。以為神人。今乃得真見文。天祥矣。春聞以此死。為位而哭。太宗命以小牢往祭。存不受。又自為祭文。首記崇禎年號。人有奏者。太宗曰。是因然。安肯用我。正朔乎。時洪承疇留三年矣。承疇初亦不屈。後意不能無動。嘗略得秀才數十人。命詣承疇。承疇試以文。第其高下。上之。太宗命詣春。春叱之曰。若戲讀古人書。奈何於此求試。遂去。毋乃我。太宗聞而益善之。春留九年。欲移。遂陽。承疇不可。許春不食而死。太宗輒嘆。不置。承疇初被擒。亦罵不絕口。太宗命文臣往勸。不置。答。太宗乃親至承疇處。留紹裘與之。曰。先生得毋冷乎。承疇視良久。歎曰。真命世主也。因叩頭請降。太宗大悅。即日賞養。無算。諸將皆不悅。曰。承疇一驪。因何待之重也。太宗曰。吾嘗憐風沐雨。欲何為乎。衆曰。必得中原耳。太宗笑曰。譬之行者。君等皆譬日。今得一孔路者。吾安得不樂。衆乃服。太宗之重用漢人。其故在此。此與孔耿初歸時。獨排衆議。興行抱見禮。其意正同。譬之軍器。孔耿等歸附太宗。用之。絕無軍中忽得。新式之西洋。此其所以能創業垂統。為改略中國之先導也。

清鑑綱目卷之一

鹽城印鸞章編輯 金式陶 張延壽 趙雪 胡應庚 校訂

世祖

●世祖章皇帝 名福臨。太宗第九子。母孝莊文皇后。太宗崩。諸貝勒之即位。元年。三月。舉兵入關。五月。定京師。十月。定都北京。在位十有八年。

崇德八年八月。太宗皇太極殂。禮親王代善集諸王貝勒議所立代善首發言曰。虎口為先帝長子。當承大統。虎口者。肅親王豪格也。豪格曰。虎口福少德薄。不敢承天位。固辭而退。既退。諸將領佩劍前曰。吾儕衣食於先帝。若不立先帝之子。寧從先帝於地下。代善曰。吾雖為先帝之兒。但久不聞朝政。不敢與於此議。遂起趨出。睿親王多爾袞曰。虎口既辭讓。當立福臨。若謂其年幼。吾願與豫親王多鐸輔佐之。因誓告天地。共擁福臨。即帝位。是為世祖章皇帝。以明年為順治元年。時帝甫六齡。復由諸王貝勒公議。以鄭親王濟爾哈朗。睿親王多爾袞輔政。元年三月。流寇犯明。燕京失陷。明崇禎帝自焚殉國。吳三桂乞師討賊。多爾袞遂以是年五月入定京師。修繕宮城。迎帝於奉天。十月。帝至京師。定都北京。滅明而有天下。遂以成大一統之業。

綱甲申 明莊烈帝崇禎十七年。○清世祖章皇帝順治元年。○是年三月。流寇犯京師。明莊烈帝殉國。五月。福王由松即位於南京。徐氏定京師。夏四月。吳三

桂來乞師大破李自成於山海關自成西遁封三桂為平西王 目初明

以流寇內逼用薊遼總督王永吉議盡棄關外四城召寧遠總兵平西伯

吳三桂統邊兵入關衛京師三桂奉詔徙寧遠兵民五十萬衆而西抵豐

潤縣名今屬河北聞京師已為李自成所陷猶豫不敢進自成執其父襄令作書

招三桂三桂欲降至灤州今河北灤縣聞愛姬陳沅為劉宗敏掠去大憤遽易縞

素稱先帝恩德以復仇討賊之旨布告軍中疾歸山海關部署軍事襲破

賊衆萬餘人自成大怒執吳襄於軍親率精銳十餘萬東攻三桂於山海

關以別將領二萬騎從一片石關名在撫寧縣東北繞出關外夾擊之三桂懼遺書清

廷乞降請合軍討賊時清攝政王多爾袞略地關外尙未至寧遠得三桂

書即遣使還報略云聞流寇攻陷京師明崇禎帝慘亡不勝髮指故率仁義之師沈舟破

可報自家可保三桂復促之多爾袞乃偕洪承疇等兼程而進疾馳至沙河

距山海關僅十里而通路已為賊軍攻關外者所梗多爾袞命英王阿濟

格豫王多鐸各將萬騎由東水關分道入自引大軍繼進敗賊前鋒於

關外一片石三桂復發大礮開路自率親兵五百開關出迎多爾袞即於

軍中雍髮設誓固請入關討賊自為前驅時賊衆當百戰之後慄悍無匹

愛姬陳沅被掠

開關迎多爾袞

多爾袞慮不可輕敵乃命三桂爲先驅開關管賊而自蓄精銳以待三桂兵各以白布繫肩爲號開關出擊賊殺傷相當翌日大戰賊衆自北山橫互至海列陣以待者二十餘萬清兵與三桂兵對賊而陣尙不及賊之半多爾袞命三桂先戰衝其前鋒是日自成挾明太子及諸王於西山立馬觀戰賊張兩翼圍三桂數匝三桂軍人人血戰衝盪數十合呼聲振海嶠及午戰方酣忽風發塵起怒若奔雷兩軍不相辨清將阿濟格多鐸率鐵騎乘勢突出橫躍入陣衝賊中堅賊衆自相踐踏俄而風定塵開賊見甲而辮髮者驚曰滿洲兵至矣自成策馬下岡先走羣賊望之皆潰散逐北數十里斬獲數萬下令關內兵民皆薙髮而命三桂以步騎二萬人前驅追賊自成走永平三桂追至永平自成遣使詣三桂軍請和三桂不許自成乃殺吳襄還京師屠三桂家僭帝號於武英殿被冠冕列仗受朝追尊七代皆爲帝后立妻高氏爲皇后是夕焚宮殿及九門城樓詰旦挾太子二王及陳姬並載輜重西走多爾袞進三桂爵爲平西王

綱明兵部尙書史可法等奉福王由崧神宗孫福恭王常洵長子初封德昌王崇禎十六年嗣封監國於南

京國北都既陷莊烈帝殉社稷四月己巳報至南京人心惶懼時參贊

機務兵部尚書史可法方督師勤王在浦口諸大臣議立君而福王由崧

與潞王常淂穆宗之子俱以避賊至淮安倫序當屬福王而以德則潞王

賢於是立親立賢之問題起諸臣慮福王立或追怨妖書及挺擊移宮等

案潞王立則無後患且可邀功陰主之者廢籍禮部侍郎錢謙益及郎中

周鏞字仲敘金壇人僉事雷縯祚力持其議者兵部侍郎呂大器字微者而右都

御史張愼言字金銘陽城人務事姜曰廣字鼎之新建人皆贊助之移牒可法略言福王

倫序當立而有七不可貪淫酗酒不孝虐下不讀書干預有司是也潞王

神宗之姪賢明當立可法遂還南京同時鳳陽總督馬士英利福王昏庸

欲立之密與操江誠意伯劉孔昭基之十世孫總兵高傑劉澤清黃得功劉良

佐等結而致書于可法可法意未決甲申守備南京魏國公徐弘基達之

孫等戶部尚書高弘圖字研文膠州人等南京守備太監韓贊周等集議于朝大

器著禮兵二部印不肯下筆吏科給事中李沾松江人厲聲言今日有異

議者斬孔昭亦而斥大器時士英握兵于外與諸將送福王至儀真連營

江北勢甚張可法不得已乃以福王名告願時文武官俱集內官宅時周令各

先殿而後行明日到奉先殿勸進語後史可法曰廣何之子是望小成日備日廣乙酉迎王于江浦丁亥百官迎見于龍江

立親立賢

馬士英利福王昏庸

關在門外西王素服角帶哭五月戊子朔王謁孝陵奉先殿出居內守備

府羣臣入朝王色赧欲避可法曰王毋避宜正受既朝議戰守可法曰王

宜素服郊次發師北征示天下以必報讎之義王唯唯明日再朝出議監

國事張慎言曰國虛無人可遂即大位可法曰太子存亡未卜倘南來若

何劉孔昭曰今日既定誰敢復更可法曰徐之乃退又明日王監國以史

可法高弘圖馬士英姜曰廣王鐸孟津並為東閣大學士入閣辦事可法

仍掌兵部事士英仍總督鳳陽諸軍事又以張慎言為吏部尙書起劉宗

周為左都御史宗周開京師陷方召募義旅討賊遂發而福王立遂起故官徐石麟為右都御史部尙書兵部

尙書張國維以原官回部協理京營戎政餘皆遷擢有差

五月攝政睿親王多爾袞入京師圖自成既西遁京東北諸州縣俱

向清軍乞降清多爾袞遂令先鋒隊入京師禁兵士入民家百姓安堵秋

毫無犯五月己丑多爾袞至京師明文武諸臣皆出迎五里外多爾袞由

朝陽門入登武英殿受朝賀遣使持檄招撫各州縣並下令薙髮為明崇

禎帝發喪令官民各服喪三日諭禮部太常寺以禮改葬崇禎帝后建碑

亭殿廡悉如典制並葬帝妃袁氏兩宮主及熹宗后張氏神宗妃劉氏令旋

史可法
馬士英
同入閣

攝政王
多爾袞
定京師

盡除明季諸弊

福王即帝位於南京

史可法督師江

設明長凌以下十四旋復命在京內閣六部都察衙門官員俱以原官同滿官

一體辦事其印信俱並鑄滿漢字己亥捷奏至盛京世祖率鄭親王濟爾

哈朗暨諸王貝勒羣臣等祭告天地御殿受朝賀詔中外盡除明季加派

稅餉廠衛諸弊政並頒詔朝鮮及蒙古諭以入京捷報

綱明福王由崧即皇帝位於南京以史可法督師江北召馬士英入閣辦

事目史可法既舉福王監國定京營制如北都故事侍衛及錦衣衛諸

軍悉入伍操練錦衣東西司房及南北兩鎮撫司官不備設以杜告密安

人心時馬士英旦夕冀入相及督師鳳陽命下大怒以可法所與士英七

不可書奏之王且令高傑等疏趣可法視師而自擁兵入覲拜表即行可

法遂請督師出鎮淮陽王命以便宜行事各鎮并聽節制十五日壬寅王

即位於南京癸卯士英即入閣助理仍掌兵部尚書事乙巳可法陛辭請

以總兵劉肇基字東人于永授李棲鳳卜從善金聲桓字東人等隨征從

之時字自成棄京師西走青州諸郡縣並殺為言與城自保未知南都擁立事可注請速頒監國登極二詔慰山東河北軍民心開禮賢館招四方才賢下條有才從棄者亦悉舉任用之

領其事幕府稱得人
綱明分淮陽鳳廬為四鎮以黃得功劉良佐劉澤清高傑領之
國時議

明分淮
陽鳳廬
爲四鎮

諸將爭
揚州

明封左
良玉爲
寧南侯

分江北爲四鎮。劉澤清轄淮海。駐淮北。經理山東一路。高傑轄徐泗。駐泗

水。經理開歸一路。劉良佐轄鳳壽。駐臨淮。經理陳杞一路。黃得功轄滁和

駐廬州。經理光固一路。仍進德功。靖南侯封傑。興平伯澤清。東平伯良佐

廣昌伯。時得功澤清傑爭欲駐揚州。傑先至。固欲入城。揚州民畏傑不納。

傑攻城急。日掠城廂婦女。民益惡之。知府馬鳴騷襄城人推官湯來賀南豐人

堅守月餘。進士鄭元勳家城中。身詣傑營。責以大義。傑頗爲感悟。爲徵兵五里外。城西北得暫

害。鄭元勳傑知不可攻。意稍怠。而澤清亦大掠淮上。臨淮不納。良佐軍亦被

攻。王命可法往解。得功良佐澤清皆聽命。乃詣傑。傑素憚可法。夜掘坎千

百埋暴骸。且日謁可法帳中。詞色俱變。汗浹背。可法坦懷待之。接偏裨以

溫語。傑大喜過望。然傑亦自是易可法。用已甲士防衛。文檄必取視。而後

行。可法夷然爲具。疏屯其衆於瓜洲。傑又大喜。可法乃開府揚州。

綱明進封左良玉爲寧南侯。先是莊烈帝詔封良玉寧南伯。許功成

世守武昌。命給事中左懋第字蘿石。萊陽人便道督戰。事在是年正月良玉乃條日月進

兵狀以聞。疏入。未奉旨。而京師陷。福王立。詔至。其部下有異議。不欲開讀。

巡撫何騰蛟字雲從。平衛人急詣良玉所爭之。而良玉已從正紀。良玉所置官名盧鼎言

良玉慟哭不許

開讀如禮。諸將尚洵洵欲引兵東下。良玉慟哭不許。盡出所藏金帛銀綵物散之。諸將曰：此皆先帝賜也。受國厚恩，禍變至此，良玉何心獨有之乎？于是諸將噉然皆哭。副將馬士秀奮曰：有不奉公令，復言東下者，吾擊之。以巨鑑置礮斷江，衆乃定。會王命進良玉爵為侯，廕一子錦衣千戶。以上流之事，專委良玉。制書到楚，而良玉賀表亦至。時李自成敗于關門，良玉得以其間，稍復楚西境之荊州、德安、承天，而騰蛟及總督袁繼咸字季通，宜春人。居江西，皆與良玉善。南都倚為屏蔽。真玉兵八十萬，號百萬。前五營為親軍，後五營為降軍。每春秋肄兵武昌、諸山一軍，職一色山谷。夏滿軍法用兩人夾馬馳，曰過對馬。足動地，假如雷聲。聞數里，諸鎮兵惟高傑最強，不及良玉遠甚。然真玉自仙鎮之敗，精銳略盡。其後歸者多烏合軍，容雖壯，法令不復相攝。而是時良玉亦老且病，無意矣。

明追崇禎帝后諡號
 六月，明追上崇禎帝后諡號。
 目諡崇禎帝曰烈皇帝，廟號思宗。世之龍欲

傾高弘圖，以思非美諡。上疏糾駁，尋改曰毅宗。周后曰孝節皇后，又追諡其祖母鄭貴妃曰孝寧太后。

考福恭王曰恭皇帝，上嫡母鄭氏尊號曰恪貞仁壽皇太后。

明主召阮大鍼陸見。目大鍼名掛逆案，失職久廢。崇禎末，以避流賊

居南京，頗招納遊俠，為談兵說劍，覲以邊才召。無錫顧杲、吳縣楊廷樞等

皆復社中名士，方聚講南京，惡大鍼甚，作留都防亂揭，逐之大鍼懼，乃閉

明主召阮大鍼入見

明追崇禎帝后諡號

大鍼上
守江策

明張慎
言罷

門謝客獨與馬士英深相結。福王既立，士英秉政，招權罔利，日事報復。時高弘圖、姜曰廣、張慎言等皆以宿德在位，將以次引內人望，而士英必欲起大鍼，因薦大鍼知兵。初，大鍼在南京，與守備太監韓贊周、曙及北都既陷，中官悉南奔。大鍼因贊周遍結之，為羣奄言。東林當日所以危貴，妃福王者，以潛傾史可法等，羣奄更極口稱大鍼才。士英亦言大鍼從山中致書，與定策謀，為白其附瑞、贊導無實跡，遂命大鍼冠帶，陛見。大鍼乃上守江策。陳三要兩合十四隙，疏并自白孤忠被陷，痛詆孫慎行、魏大中、左光斗，且指大中為大逆。于是大學士姜曰廣待郎呂大器懷遠侯常延齡平開、王遇春十一四孫等并言大鍼逆案巨魁，不可召。給事中羅萬象應天府丞郭維經字六修江、龍泉人大理寺丞詹兆恆信月如廣、永豐人亦各言逆案不可翻，乃切責萬象等。弘圖復請下九卿會議，亦不聽。

綱明吏部尚書張慎言罷。目時大起廢籍，慎言薦前大學士吳姓前尚

書鄭三俊，明主命招姓，陛見。一日朝罷，誠意伯劉孔昭、忻城伯趙之龍、羣詭于廷，指慎言及姓為奸邪。叱咤徹殿陛，給事中羅萬象言慎言平生俱在，性素有清望，安得指為奸邪。孔昭等伏地痛哭，謂慎言舉用文臣不及

武臣囂爭不已。孔昭至欲手刃慎言。韓贊周呵之乃止。既退又疏劾慎言。

極詆三俊。且謂慎言當迎立時阻難懷二心。乞寢牲陛見命。且議慎言欺

蔽罪。慎言疏辨。因乞休。時兩解之。萬象又言首啓封爵者四鎮也。新改京營。又加二鎮。衍帝者安在。祖制以票擬歸閣臣。參駁歸言官。不聞委勳臣以糾劾也。使勳臣得兼糾劾。文臣可勝逐。此可法矣。慎言疏薦無不當。諸臣痛哭嗔呼。減絕法紀。恐驕弁悍卒益輕朝廷。御史王孫龍

言用人吏部執掌。奈何廷辱家宰。弘圖等亦以不能戢和文武。各疏請罷。俱不允。而吳姓亦

竟不復召。慎言乃再疏乞休。遂許其請。且諭之曰。晉疆未復。卿已無家可

歸。沿途僑寓。需召。慎言遂流寓蕪湖宣城間。至亡國後。疽發於背。成勿藥卒。

綱明總兵劉澤清入朝于南京。吏部侍郎呂大器罷。先是諸臣議擁

立時。大器主錢謙益雷縉祚言。欲立潞王。事具前。及馬士英等擁戴福王。因

遷大器吏部左侍郎。大器以異議緝自危。乃上疏劾士英。言其擁兵入朝。

覬留政地。翻先皇手定逆案。欲躋阮大鍼中樞。其子以銅臭為都督。女弟

夫未履行陣。授總戎。媼姪越其杰。田仰楊文驄。字龍友。陽人。先朝罪人。盡登膺

仕。亂名器。夫吳姓鄭三俊。臣不謂無一事失。而端方諒直。終為海內正人

之歸。士英大鍼。臣不謂無一技長。而奸回邪慝。終為社稷無窮之禍。至是

澤清入朝。疏糾大器。縉祚懷異圖。而薦逆案張捷。丹陽人。鄒之麟。武進人。張孫

清入朝。疏糾大器。縉祚懷異圖。而薦逆案張捷。鄒之麟。張孫

清明對澤清入朝

呂大器
創籍

振人等大器遂乞休去以手書監國告廟文送內閣明無他士英憾未

已令太常少卿李洁劾之遂削大器籍復命法司逮治之尋以蜀地盡失

無可蹤跡而止大器既去洁得超擢左都御史而謙益亦以附士英大鉞

得為禮部尚書協理詹事府事時武臣各占分地賦入不以上供恣其所用設封疆兵

贖紛如紀制盡毀而器清所言尤任情權立之初即授靖康故事請以五月改元又請宥故輔周

魁備馬餉銀又請禁巡按不得絮訪追職請法司鞫緝故總督侯恂及其子方域時皆曲意從

之及是入朝復阿士英指力糾大器等大器既去朝事不可為矣

明馬士
英乞罷
不許

明馬士英乞罷慰留之國士英當國畏東林倚左良玉為難謾語修

好而陰忌之良玉不自安屬承天守備太監何志孔巡按御史黃澍入賀

陰伺朝廷動靜澍挾良玉勢當陞見面數士英奸貪不法且言嘗受張獻

忠偽官周文江人重賄為題授參將罪當斬志孔亦論士英罔上行私

諸罪司禮太監韓贊周叱志孔退士英跪乞處分澍舉笏直擊其背曰願

與奸臣同死士英大驚呼贊周即執志孔侯命時有內諭贊周欲令士英

避位士英佯引疾請罷而賂福邸舊奄田成張中執等泣懇曰上非馬公

不得立遂馬公天下將議上背恩矣且馬公去誰愈上者明日即慰留士

英士英亦畏良玉請釋志孔而命澍速還湖廣未幾又以他事奪澍官

晉掌錦衣衛劉儒者嘗遣皮由周文江賄張獻忠受偽命錦衣指揮史及良玉復斬黃備削髮逃去澍持之急而士英納備賄令許澍遂復僑官削澍職尋以朱盛濃

中澍言澍良玉留澍不遣良玉令部將擊澍欲下南京索餉因士英不得已乃免府

逮澍遂匿良玉軍中良玉與士英由此有隙

綱遺將分徇山東河南陝西 目多爾袞既入京師奏捷盛京頒示朝鮮

蒙古時京東京北諸府雖降而保定大名真定間潰兵羣起山東山西河

南諸州縣亦皆據城自保乃遣肅親王豪格往定山東河南葉臣等往定

山西各分扼要地待時進軍

綱秋七月清軍追擊李自成於山西大破之自成遁歸西安 目初自成

西走至定州吳三桂與清英王阿濟格追擊之斬賊黨谷可成自成走真

定悉衆迎戰三桂復大敗之賊不能支自成至望都中流矢創甚會三桂

引兵東返乃得西踰固關走山西鳩合潰散至平陽以讒殺其黨李巖賊

衆解體自成乃遁歸西安先是李自成之殺吳襄也欲並殺三桂妾陳姬

姬曰吳將軍捲甲來歸矣徒以妾故又復興兵殺妾何足惜恐其爲王死

敵不利也自成欲挈姬同走姬曰妾既事大王矣豈不欲從大王行恐吳將軍以妾故而窮追不已也王請度之王能敵吳將軍妾卽蹇裳跨征騎

遺分 徇魯豫

大破李 自成於 山西

自成走 陝西

留陳姬 以綏三 桂

原
书
缺
页

原
书
缺
页

原
书
缺
页

原
书
缺
页

紀御史朱國昌通安衛人亦以為言乃命禁訛傳誑惑者尋復使太監李國輔等分詣蘇杭採訪民間婚娶一空

闡明賜北京死節諸臣贈諡 北京文武臣殉難者並予贈諡世廕立

廟于雞鳴山賜額曰旌忠其列于正祀者文臣二十四人范景文倪元路李邦

邦嘯凌義吳徵周鳳翔馬世奇劉理順汪偉申佳允吳甘來王章陳純德諫其謨成德許直

金絳文大同巡撫衛景瑗宣府巡撫朱之馮布衣湯文瓊諸生許琰○范景文等事具前許琰字

玉仲吳縣人明京師破還古廟自經為人所解及哀詔至竟不食死武臣七人新樂侯劉文炳惡安自戕慶臻襄城伯李國楨

周遇吉遼東總兵官吳 內臣一人王承恩婦人九人耿氏劉理順妻萬氏妾李氏馬氏

奇妻朱氏李氏陳氏諛妾 耐祀者文臣七人進士孟章明及郭中徐有等給事中顧鑑彭

時兵吳實妻祖氏事具前 浙江人朱廷煥單縣人以前副分巡大名流賊陷城被執死武臣十五人成國公朱純臣

章明徐有等徐標事具前顧鑑或郭人彭瑄永川人志虞 伯楊崇城宣城伯簡時春海平伯吳遵周新建伯王先通安侯伯張光燦右都督方履泰錦衣衛

千戶李國楨○時作事具前純正東平王能八世孫肇迹夏國公成十一世孫文用雷河王愈十

世孫培民營國公英九世孫濬鄧國公祿七世孫錫登蔡國公忠十世孫裕德成十世孫維藩鑑

八世孫崇猷信七世孫遵周梁萬公成七世孫先 內臣六人李鳳翔王之心高時明諸憲章

通守仁督孫光燦與六世孫履泰南和伯一元子 命有司春秋致祭然顧鑑彭瑄俞志虞

前鳳翔司禮秉筆大監時明故司禮掌印太監憲章國元皆提督諸監局太監並殉難 輩特為賊拷死皆濫與其列而郎中周之茂等並以不屈死事具顧未邀 贈恤他如御史馮垣登新昌人員外郎鄭逢蘭行人謝于宣鄞縣人郎中李逢

申知縣鄒逢吉湖口人等皆拷死亦並獲贈諡時南北阻絕多未能核實也

又予前大學士伊承宗太常少卿鹿善繼祠諡又湖廣殉難巡按御史劉熙祚參政許文岐推官蔡道憲等並予贈諡禮部尚書顧錫嘏又言流體仁得君行政最專且久其負先帝罪大且深乞削其文忠之諡而補文獻諡維喻義姚希孟呂維祺諸臣諡庶天下有所勸懲王亦從之○孫承宗鹿善繼劉熙祚等事具前詳文岐字我西仁和人蕪州陷被賊執繫之後營文岐陰與同繫舉人奚鼎埏等數十人相結謀賊謀洩被屠蔡道憲字元白晉江人為長沙推官城陷被執賊唱以官將尚大罵賊賊之健卒林國俊等九人殉焉顧錫嘏字九疇崑山人

明以阮大鍼為兵部侍郎巡閱江防 **大鍼之召大學士高弘圖以**

去就爭馬士英意稍折遲回月餘至是復用安遠侯柳昌祚世孫薦起大

鍼兵部添注右侍郎仍禁廷臣不得把持阻諫左都御史劉宗周疏言大

鍼昔爭吏垣不得致魏大中死詔獄殺大中者魏鑑大鍼其主使也即才

果足用臣慮黨邪害正之才終病世道且祖宗故事九列必用廷推乃者

中旨頻降司農之後繼之少宰司農張有鑿少宰張捷也未幾而大鍼司馬又繼之其為

墨勅斜封之漸有不待問者大鍼進退實係江左興亡乞寢成命給事中

熊汝霖亦言大鍼以知兵擢當置有用之地若止優游司馬則樞輔已優

為之何必增置命切責宗周而格汝霖疏不聽尋命大鍼兼右都御史巡

閱江防

明封鄭芝龍為南安伯 **芝龍福建南安人明末入海寇顏思齊黨**

大明以阮大鍼為兵部侍郎

明封鄭芝龍為

南安伯

八閩富人冠

鄭芝龍
殖民臺灣

與日本人聯和遂娶日人山川氏女生子成功卽附日人居台灣其後日人爲荷蘭人所逐台灣不可居芝龍因其人衆舟楫橫於閩海崇禎初閩督沈猶龍招降閩海羣盜芝龍本世居南安之東石村遂受撫還南安故例凡爲日本贅壻者不得歸國獨芝龍挈其妻還南安之東石村第宅縱橫數里遂爲八閩富人冠猶龍母生日芝龍進珊瑚樹高丈許飾以珠龍金盜觀者豔之其從者皆以生犀黃金爲甲每出必百人人各一馬時南安有苟愆惠安有劉香者皆稱富強愆先亡香恃強不就撫朝廷命芝龍討之戰於五虎門外芝龍弟芝虎與搏戰相持入海俱死芝龍因併其衆威震全閩無何閩浙大旱芝龍以巨舶載饑民數萬移徙臺灣人給三金一牛使墾荒島食力而臺地野沃土腴一歲三穫閩人歸之若市遂成邑聚是爲中國人殖民臺灣之始是時荷蘭人二千踞城內僑民數萬屯城外荷人以行商自活不歛田賦而僑民以衣食之餘納稅芝龍故芝龍之富幾可敵國既受招降後奔走國事不暇營臺灣及是弘光帝晉封芝龍爲南安伯尋命爲總鎮鎮守福建而以其弟鴻逵爲總兵官率舟師駐鎮江防守瓜洲以遏北軍南下之師

綱九月明總兵黃得功趨揚州高傑以兵襲儀真不克 目初高傑屯兵瓜州史可法復置得功於儀真與傑陰相牽制及是登來總兵黃蜚將之任蜚與得功同姓稱兄弟移書請兵備非常得功率騎三百由揚州往高郵迎之傑素忌得功又疑圖已乃伏精兵道中邀擊之得功行至土橋方作食伏起出不意上馬舉鐵鞭飛矢雨集馬踣騰他騎馳有驍騎舞槩直前得功大呼反鬥挾其槩而扶之人馬皆糜復殺數十人跳入頽垣中哮聲如雷追者不敢進遂疾馳至其軍得免方鬥時傑潛師擣儀真得功兵頗傷而所俱行三百騎皆歿遂訴於南京願與傑決一死戰命太監盧九德及可法遣監軍萬元吉和解之不可會得功有母喪可法往弔語之曰土橋之役無智愚皆知傑不義今將軍以國故捐盛怒而歸曲於高是將軍收大名於天下也得功色稍和終以所殺亡多爲恨可法令傑償其馬復出千金爲母贖得功不得已聽之

綱明史可法遣諸將分守要地高傑移駐徐州 目初史可法出巡淮安

閱劉澤清士馬返揚州請餉爲進取資馬士英靳不發可法疏趣之因言今事勢更非昔比必專主討賊復讎舍籌兵籌餉無議論舍治兵治餉無

明姜曰
廣罷

人才優旨褒答而不能行至是可法議分布諸將奏請以總兵李成棟鎮
徐州賀大成鎮揚州王之綱鎮河南李本身胡茂楨隸高傑麾下為先鋒
而令劉肇基駐高家集李棲鳳駐睢寧以防河用張天祿為閣標前鋒駐
瓜洲高傑故跋扈可法日以君臣大義曉示之傑感其忠奉約束可法因
與謀恢復議黃得功劉澤清二鎮赴邳宿防河傑自提兵直趨開歸且瞰
宛洛荆襄以為根本傑遂具疏上之且曰得功與臣介介前事臣知報君
雪恥而已安能與同列較短長哉然得功終不欲為傑後勁而澤清尤狡
橫難任可法不得已乃移得功廬州以防桐皖調劉良佐赴邳徐進復黃
汝與傑相聲援傑遂率兵移鎮徐州以左中允衛允文字韓城人兼兵科給
事中監其軍徐州土武程繼孔崇禎末被擒至京乘亂逃歸傑至徐州擒斬之

綱九月明大學士姜曰廣罷

目曰廣與高弘圖協心輔政而馬士英挾

擁戴功內結勳臣朱國弼保國公永五世孫劉孔昭趙之龍外連諸鎮劉澤清劉良

佐等謀擅朝權深忌二人及沮阮大鍼進用益為所疾曰廣知不為所容

遂抗疏乞休至是罷政還江西其後故將金聲桓初在史可法麾下後隸

左良玉良玉死聲桓降於清為南昌副總兵既而復叛附桂王由榔迎曰

明劉宗周罷

廣以資號招聲桓敗曰廣投俛家池死

俛家池在江北建縣

綱明左都御史劉宗周罷

宗周初聞召命以大仇未報不敢受職自

稱草莽孤臣疏陳時政言天下大計舍討賊復仇無以表陛下渡江之心

非毅然決策親征無以作天下忠義之氣因進四策

一曰據形勢以規進取江左非無安之業請進圖江

北以風陽駐親爭之師一曰重濬屏以資彈壓劉澤清高傑倡逃可斬一曰慎節費以節軍情請分別各帥分賞執執濫一曰核筴官以立臣紀受僞官叛者宜分別定罪

命納

其言宣付史館而馬士英高傑劉澤清恨甚滋欲殺宗周宗周請告不許

遂抗疏劾士英優旨答之而促其速入士英大怒即日俱疏辭位且揚言

曰劉公自稱草莽孤臣不書新命明示不臣天子也其私人朱統鑣遂劾

宗周疏移蹕鳳陽高牆所在欲以罪宗處皇上而與史可法擁立潞王

其兵已伏丹陽當急備時澤清傑日夜謀所以殺宗周不得乃遣客十輩

往刺之

宗周時在丹陽終日危坐本若有情容前後至者皆不忍加害去

適京口軍亂

事具

士英以統鑣言為

信亦震怒于是澤清疏劾宗周陰撓恢復欲誅臣等激變士心劉良佐亦

言宗周力持三案為門戶主盟倡議親征圖晁錯之自為居守疏未上澤

清復草一疏著傑良佐及黃得功名上之言宗周勸上親征謀危君父陰

結死黨迫劫乘輿如宗周入都臣等即渡江赴闕正春秋討賊之義疏入

明逮左
獄光先下

明徐石
麟罷

舉國大駭。傳諭和衷集事。宗周不得已。以七月十八日至南京。會阮大鍼
進用。宗周復請告。遂許其乘傳歸里。將行。疏呈五事。亦但優旨報聞而已。
明年六月杭州破。宗周不
食死。至清朝賜諡忠介。

綱明逮前浙江巡按御史左光先下獄。阮大鍼既得志。專務報復。既

排去劉宗周等。於是盡召逆案楊維垣、虞廷陛、嘉興人等十餘人。及所善蔡

奕琛、唐世濟、烏程人張孫振、袁宏勳、慈谿人等。布列要路。浙江巡撫御史左光

先者。光斗之弟。故與大鍼世仇。又嘗首劾士英。大鍼益恨。刺骨。光先在浙

嘗平許都亂。部東陽人。家富。任俠。知縣姚孫。擢索賄不得。誣其結黨謀逆。都
遂反。光先以撫標兵討之。都乞降。遂殺之。姚孫錮桐城人。至是光先已

去。而都餘黨復叛。大鍼因坐以激變。逮下獄。蘇松巡撫祁彪佳上疏救。士

英大鍼並恨。彪佳嗾張孫振論其奸貪。彪佳遂移疾去。明年杭州破。彪佳即不
食。尋端坐池中而死。至

清朝賜
諡忠惠。

綱明吏部尚書徐石麟罷。石麟剛方清介。值權奸用事。鬱鬱不得志。

士英挾定策功。將圖封。石麟議格之。中貴田成輩請屬石麟。拒不應。由是

中外皆怨。搆之去。明年南京破。清兵至浙江。石麟方居城外。曰。吾大臣也。

城亡與亡。復入居城中。朝服自縊死。至清朝賜
諡忠愍。

世祖定都北京

詔文臣衣冠暫從明制

加封多爾袞為攝政王

明高弘圖能

冬十月乙卯朔帝至自盛京即皇帝位定都北京
初多爾袞既入京師修治宮殿定遷都之議遣輔國公屯齊喀和託等齎奏奉迎世祖於盛京九月乙亥世祖發盛京癸未次廣寧癸卯駐通州多爾袞率諸王貝勒貝子公及文武大臣迎駕甲辰至燕京十月乙卯朔世祖親詣南郊祭告天地即皇帝位初頒時憲曆用大學士范文程言盡除明季弊政頒詔中外建立太廟定都北京

詔文臣衣冠暫從明制
從大學士洪承疇議也

建堂子於玉河橋東
清初起自遼瀋有設竿祭天之禮又總祭社稷諸神祇於靜室名曰堂子

加封多爾袞為叔父攝政王
並進封鄭親王濟爾哈朗為信義輔政叔王復肅親王豪格爵晉封武英郡王阿濟格豫郡王多鐸俱為親王

吳三桂孔有德耿仲明尚可喜等俱進爵有差

明大學士高弘圖能
初阮大鍼入見以弘圖不附東林引為證弘圖力言逆案不可翻大鍼及馬士英並怒

林亦東林耶士英曰我非時東林也林拒我耳弘圖因怒怒之士英意解會宗周勁疏上大鍼實言日廣實使之下是士英怒不可日力鳴張建謝隄領端益水火矣弘圖因

明張縉
總督
北直山
西河南
軍務

明張捷
掌吏部

乞休請召還史可法皆不許。至是凡四疏乞休，乃許之。弘治既致仕，無家可歸，流寓會稽，及南京破，逃死。○清鑑忠貞。

縉明以前兵部尚書張縉彥總督北直山西河南軍務。時馬士英掌

中樞，絕不銳厲，恢復日以鋤正人引兇黨為務。初舉朝以逆案攻阮大鍼

大鍼憾甚，及見北都從逆諸臣頗多，附會清流者，因倡言曰：彼攻逆案，吾

作順案相對，以李自成偽號曰順故也。士英因疏糾光時亨。桐城人。陳名夏

不之及，賄入輒復其官。縉彥以本兵首先開門從賊，自成敗走，縉彥竄歸

河南，至是自言集義勇擒偽官，收復列城。士英主之，即授原官總督軍務。

許便宜行事，給事中李維楫言：縉彥闇習失機，寸斬莫贖，逆賊入宮，青衣

候點賊敗竄歸，安能復收河北總督何官，顧界賊臣，士英等勿恤也。

縉明以張捷為吏部尚書，楊維垣為通政使。時馬士英獨握國柄，一聽

阮大鍼計，朝政濁亂，賄賂公行。時徐石麟既去，士英欲用張國維掌吏部

而大鍼結內奄，取中旨，特授張捷，士英愕眙良久，楊維垣力謀起官，禮部

尚書錢謙益因上疏薦維垣及蔡奕琛，且頌士英功而盡雪逆案，賈繼春

清兵下江南

多爾袞致史可法書

史可法覆多爾袞書

等維垣遂得授通政使未幾進左副都御史奕琛亦授吏部侍郎

清兵西討李自成分兵伐江南 先是睿親王多爾袞令南來副將

韓拱薇參將陳萬春等齎書致可法 入關破賊得與雷人士相接識介弟於淮班曾

託其手泐平安拳致衷緒未嘗以何時得達比聞道路紛紛多謂金陵有自立者夫君父之讎不

共戴天春秋之義有賊不討則故君不得書葬新君不得書即位所以防亂臣賊子法至嚴也闖

賊李自成稱兵犯闕手毒君親中國臣民不聞加遣一矢平西王吳三桂介在東陲獨效包胥之

哭朝廷感其忠義念累師之宿好棄近日之小嫌爰整貔貅除狗鼠入京之日首崇懷宗帝后

讜號下葦山凌悉如典禮親郡王將軍以下一仍世討不加改削勳威文武諸臣咸力朝列恩禮

有加耕市不驚秋毫無擾方擬秋高氣爽遣將西征傳檄江南聯兵河朔陳制鞠旅戮力同心報

乃君國之撫定燕都乃得之於闖賊非取之於明朝也賊毀明朝之廟主辱及先人實害予甚感

之國家之撫定燕都乃得之於闖賊非取之於明朝也賊毀明朝之廟主辱及先人實害予甚感

征繕之勞悉索散賦代為雪恥孝子仁人當將如何感恩報國茲乃乘逆寇稽誅王師暫息遂欲雄

據江南坐享漁人之利揆諸情理豈可謂平將以為天塹不能飛渡投鞭不足斷流耶夫闖賊但

為明朝崇耳未嘗得罪於我國家也徒以薄海同讎特伸大義今若擁號稱尊則是天有二日儼

為勅敵予將西行之銳旋旆東征且擬釋彼重誅命為前道夫以中華全力受制潢池而欲以

江左一隅兼支大國勝負之數無待著龜矣予聞君子之愛人也以德細人則以姑息諸君子果

識時知命篤念故主厚愛賢王宜勸令削號罷藩永綏福祿朝廷當待以虞賓統承禮物帶礪山

列爵分土有平西王庶不負朝廷義討賊與滅繼絕之初心大夫好高樹名義而不顧國家之急每

有大事輒同築舍昔宋人議論未定而兵已渡河可為殷鑒先生領袖名流主持至計必能深維

以討賊為心毋貪一身瞬息之榮而重故國無窮之禍為亂臣賊子所笑予實有厚

望焉誠有之惟善人能受盡言敬布衷心俾聞明教江天在望延賊為勞書不宣意

遣人答書歷引史事以折之 書曰南中向接好音法隨遣使問訊矣大將軍未敢遽通

德德之際忽捧琬璵之章真不啻從天而降也循讀再三殷殷致意若以逆賊尚稽天討煩貴國

憂法且感且悽惟懼左右不察謂南中臣民偷安江左竟忘君父之怨敬為貴國一詳陳之我大行

皇帝敬天法祖。勤政愛民。真堯舜之主也。以雷臣。誤國。致有三月十九日之事。法待罪南極。救拔無及。師次淮上。內問遂來。地坼天崩。山枯海竭。嗟乎。人孰無君。雖隸法于市曹。以爲淮。淮者之戒。亦奚足謝。先皇帝於地下哉。爾時南中臣民。哀慟如喪考妣。無不拊膺切齒。欲悉東南之甲。立憤。內仇而二三老臣。謂家破君亡。宗社爲重。相與迎立。今上以繫中外之心。今上非他。神宗之孫。光緒子。而大行皇帝之兄也。名正言順。天與人歸。五月朔日。駕臨南都。萬姓夾道。號呼聲聞數里。羣臣勸進。今上悲不自勝。讓再讓三。僅允監國。遣臣民伏闕。願請始以十五日正位南都。從前鳳集。河清瑞應。非一。即告廟之日。紫雲如蓋。祝文升符。萬口共讚。欣專盛。下大江湧出。楫棹數十萬。助修宮殿。豈非天意也哉。越數日。遂命江視師江北。刻日西征。忽傳我大將軍吳三桂。借兵貴國。破走逆成。爲我先皇帝后。披喪成禮。掃清宮殿。撫輯羣黎。且罷雜髮之令。示不害本朝。此等舉動。振古傑今。凡爲大明臣子。無不長跪北向。頂禮加額。宣但如明論。所云感恩圖報。已乎。謹于八月。勸治管。使爲師。衆欲請命。鴻裁。連兵西討。是以王師既發。復次江淮。乃辱明誨。引春秋大義。來相詰責。然此乃爲列國。堯世子。應立有戚。未討。不忍死其君者。立誦耳。若夫天下共主。身殉社稷。勞苦宮中。子慘變非常。而又拘率不卸位之文。龜味大一統之義。中原鼎沸。倉猝出師。特何以推。憐人心。號召思。義紫陽。綱目。匪事春秋。其間待書。如莽。穆。漢。光。武。中興。丕廢。山陽。昭烈。踐祚。懷。以正統。與之。甚至如元宗。幸。周。太子。即位。靈武。讓者。統之。亦未嘗不許其行。權。幸其克復。舊物也。本朝傳世。十六。正統。相承。自治。冠帶之族。繼絕存亡。仁恩遐被。貴國昔在先朝。夙誓討賊。載在盟府。寧不聞乎。今痛心本朝之難。臨除亂逆。可謂大業。復著于春秋。矣。昔契丹和宋。此歲。輸以金。緡。同紂助唐。原不利其土地。克貴國。篤念世好。兵以義動。萬代瞻仰。在此一舉。若乃乘我蒙難。莫好崇仇。規此幅員。爲德不卒。是以義始。而以利終。爲賊人所竊笑也。貴國豈其然哉。昔先帝軫念。潢。池。不忍。盡戮。剿。撫。互用。貽誤。在今。今上天縱。英明。刻刻。以復仇。爲念。廟堂之上。和衷。體國。介冑之士。飲泣。枕戈。思義。民兵。願爲國死。竊以爲入亡。誦。聞。當不越于斯時。矣。語曰。樹德。務滋。除惡。務盡。今逆賊未服。天誅。諱。知。捲土。西。奔。方圖報復。此不獨本朝不共戴天之頭。以洩數天之憤。即貴國義。憂。伏乞。聖。同仇之誼。全始終之德。令師進討。聞罪。秦中。共。舉。逆賊之頭。以洩數天之憤。即貴國義。朝。昭。燿。千。欣。本朝。圖報。惟力是視。從此兩國。世通。盟好。傳之。無窮。不亦休乎。至于于耳之盟。則本。處。今日。嗜。射。致命。克。盡。臣。節。所以。報。也。惟。願。下。實。昭。盟。之。法。多爾袞接書。知可法無降。意。至是清廷以山西山東等郡縣已次第平定乃命英親王阿濟格爲清

張獻忠
稱帝於
成都

史可法
率師北
伐

史可法
上疏請
討賊

遠將軍帥師西討李自成。豫親王多鐸為定國大將軍。帥師下江南。

十一月張獻忠僭號於成都。獻忠既有全蜀。遂潛號大西國王。僞

稱大順元年。修蜀王府居之。設丞相尙書五軍都督府等官。命汪兆麟嚴錫

王國麟江鼎鎮完。及為尙書。孫可望艾龍奇劉文秀李定國等皆為將軍。錫姓張氏。鼎鎮

完敬。尋以小選封別死。晉川中士大夫受偽職。前布政使尹伸給事中吳宇英皆不屈死。○江鼎

鎮南充人。與完敬彭詒人。尹伸敘州人。吳宇英廣元人。遣諸偽將分屠各府州縣。詭開科取上集于青羊宮。盡殺

引出斬之名。天殺人。創生氣人法。皮未去而先絕舌。死者匪死。將卒以殺人多少敘功。

共殺男女六萬有奇。會諸郡義兵並起。獻忠憤怒。誅殺益毒。川中人跡殆

絕。列城內至雜樹成拱云。後二年。獻忠盡焚成都宮宇。劉其城。率眾出川北。又欲盡殺川

綱明史可法率師北伐。進次清江浦。可法聞李自成敗還陝西。決策

北伐。高傑既赴徐州。可法遂帥師進次清江浦。遣官屯田開封。為經略中

原計。時諸將各分汎地。擇便利者。自王家營。在清河縣東。北黃河北岸。而北至宿遷。最衝

要。諸鎮不敢任。可法自任之。令幕下文武築壘。緣河南岸。先是可法以自

成未滅。上疏請頒討賊詔。疏曰。偏安者恢復之退步。宋有志在偏安。而遽能自立。善也。

不聞遠燕齊。君父之讎。置諸膜外。憶臣等迎駕時。陛下言及先帝。則泣下沾襟。及聞討賊之詔。

滿袖皇天天后土。實式暨臨。曾幾何時。頓忘斯志。先皇帝死於賊。恭皇帝亦死於賊。此千古未有之痛。國家變出非常。在北諸臣。死節者無多。在南諸臣。討賊者復少。此千古未有之恥。夫庶民之家。父兄被殺。尚思穴胸斷脛。得而甘心。况在朝廷。願可漢置。臣恐恢復無期。即偏安亦未可保也。今宜速發封賊之詔。責臣等諸鎮。悉簡精銳。直指秦關。庶海內忠臣義士。聞而感憤。且陛下獨登大寶。原與先朝不同。諸臣但有罪當誅。曾無功足錄。臣於登極詔。冀特將如恩。一欺。則除不意。後文仍復開載。致貽笑天下。今思外如恩。紛紛未已。武臣腰玉。名器。賜。自後尤宜慎重。專待有功。庶猛將武夫。有所激厲。行兵討賊。最苦無糧。搜括不可行。劫掠亦難。撥。請。不。急。之。工。程。可。已。之。繁。費。一。切。報。罷。朝。夕。之。燕。行。左。右。之。進。獻。一。切。謝。絕。即。事。關。與。帶。萬。不。容。已。亦。希。從。節。省。蓋。一。日。未。減。即。有。深。宮。曲。房。豈。能。安。處。錦。衣。玉。食。豈。能。安。享。必。刻。意。在。雪。恥。報。仇。疏。奏。不。省。時。諸。振。舉。朝。精。利。萃。萬。方。物。力。盡。井。於。選。將。練。兵。一。事。庶。人。心。可。鼓。天。意。可。回。

鎮位秩已崇。威遠巡無進師意。可法悔之。常語其客。欲斬已及馬士英。高弘圖。姜曰廣。四人頭為任事不忠之戒。因上疏請責成諸鎮進戰。可法每繕疏。循環諷誦。聲淚俱下。聞者無不感泣。士英第取優旨報之而已。

綱清兵克宿遷。目豫親王多鐸等分兵南下。既取海州。遂取宿遷。史可法舟次鶴鎮。聞報遣總兵劉肇基往援。復其城。越數日。清兵圍邳州。軍城北。肇基援之。軍城南。相持半月。而解。復分兵拔贛榆。豐沛等縣皆降。

綱明建治前昌平巡撫何謙等。目御史沈宸荃言。經略山東河南者。王永吉。張縉彥也。先帝拔永吉為總督。不救國危。擢縉彥典中樞。率先從賊。即加二人極刑。不為過。陛下屈法用之。而永吉觀望逗遛。縉彥狼狽南竄。死何以對先帝。生何以對陛下。昌平巡撫何謙。失陷諸陵。罪亦當按。都城

既陷守土臣宜皆厲兵秣馬以報國讎乃賊塵未揚輒先去以為民望如河道總督黃希憲山東巡撫邱祖德尚可容偃臥家園乎疏入永吉縉彥釋勿問逮謙祖德等付司法治之

明桂王常瀛卒

綱明桂王常瀛卒於梧州。目常瀛初封衡州張獻忠陷湖南常瀛走廣

西遂至梧州至是以憂悸致疾卒。常瀛世子先卒次子安仁王由樛未幾亦卒次由榔

事鍵於是兩廣總督丁魁楚廣西巡撫盟式相等迎由榔監國十一月自立于肇慶號永曆會大

兵克廣州式相請駐兵峽口太監王坤不從奉由榔走梧州至順治四年正月大兵向肇慶由榔

復走桂林又走武岡柳州會大兵東還由榔旋返桂林順治五年南昌總兵金聲桓等返降于由

榔復還肇慶順治六年大兵下湘潭總督何騰蛟死之尋入桂林大學士盟式相亦死由榔大懼

自梧州奔南寧時孫可望已據滇黔受封為秦王順治八年遣兵至南寧殺其大學士嚴起恆等

順治八年可望迎由榔入安隆所改曰安隆府日益窮促聞李定國與可望有隙遣使密召定國

以兵來迎定國戰大敗黎妻子降於清順治十五年大兵三路入雲南由榔走永昌順治十六年

大兵克雲南由榔走騰越定國敗於澂江由榔走南甸遂入緬緬以四舟迎由榔隨行者六百餘

人緬人于赭陘草屋居由榔遣兵守之順治十七年定國等與緬戰案由榔連敗緬兵緬終不

肯出由榔時平四大將軍矣三柱尚在請進兵緬甸以峭根株為一勞永逸之計清命定西將軍
愛星阿率師會之三柱遂傳檄緬甸諭以擒獻由榔順治十八年三柱遣二土官至緬示師三月
師至猛卯會瘴發撤兵而緬首莽猛白服得三桂檄欲生致由榔乃密使人防守誘其從官沐天
波等渡河盟盡殺之惟存由榔與其屬二十五人九月三柱及愛星阿師自南甸隴州猛卯進別
遣兵取道姚關鎮聚孟定十一月會於木邦遂趨緬十二月次舊挽坡去緬城六十里緬使人請
兵百人進蘭鳩江濱為扞衛遂執由榔及其親屬送三桂軍前明年四月由榔
死於雲南起浙江山陰人安隆所本元普安踏地明設守禦所今屬貴州

清兵克河南府

十二月清兵克河南府。目清兵至孟津先遣精兵渡河沿河十五寨

堡俱望風歸附大兵入河南府總兵李際遇迎降縉彥等並走沈邱河南

撫鎮飛章告急不應。未幾清兵別由濟寧南下。至夏鎮。復自洛陽圍鄧州。可法高傑劉澤清等各具疏告警。馬士英言北兵雖在河上。然賊勢尙張。不無後慮。豈遂投鞭問渡乎。况疆弱何常。赤壁三萬。淝水八千。惟在諸將策勵之而已。卒不應。

綱。殺明內監楊玉等十五人。是月辛巳。有男子自稱崇禎太子。至京師。內監楊玉爲易服。送至明周后。父周奎家。時公主亦在奎所。相見掩面泣。奎奏聞朝廷。奉旨命內院傳故明貴妃袁氏及東宮內監官屬等辨視。皆不識。問以宮中舊事。亦不能對。因下法司覆勘。云姓劉氏。假冒爲太子。楊玉等十五人皆棄市。

附記

按此所謂崇禎太子者。當爲崇禎第三子。永王慈烜。汪幾舉題摺九疑年錄文有云。錄末永王事。見於國初邸鈔。順治元年十一月。有稱明皇子者。至京師。入故嘉定伯

周奎家。奎留之二日。遂以爲太子。疏於朝。於是吏科朱繼。河南道趙繼鼎等。連章劾奎。而錄音爲人所執。非是。既下刑部。有小內官指驗癍痕。抱之而哭。錄言內管不敢識認。亦非是一時廷臣諸疏。具在大旨略同。獨侍郎沈惟炳所言尤明切。略曰。如其實也。是先帝之靈所默

掩也。清邪寬仁厚德。加意先朝。上謚發喪。備極隆盛。今且命將出征。代先帝除兇。伐暴。又何嫌何疑於其子。不備三恪之後。祀爲先帝。延一線哉。如其僞也。則必陰險者。妄圖富貴。故挾此無知之徒。冒死試法。凡主使合謀之人。收藏引進之家。務必直窮到底。與天下共見之。若留疑似之形。何傳信後世云云。遠乎東宮。肩竄。舉朝猶叱爲王之明。况乎玉步既改。而欲

緩頰措辭於其間。不更難乎。然則沈侍郎之疏。未爲失也。摺九不及見邸鈔。故所載不無抵牾。悟。今繕寫御史趙開心以下四疏。附諸卷末。使著書有所考核。堯舉之文如是。附載於此。以資參證。

綱明妖僧自稱齊王伏誅 國有狂僧大悲自稱齊王又稱潞王為趙之龍所捕下鎮撫司勘訊阮大鍼與張孫振謀欲假以誅東林及素所不合者令大悲引諸臣擁潞王可一網盡也因造十八羅漢及五十三參之目書史可法高弘圖等名一時人望無不備列納大悲袖中錢謙益先已上疏頌士英且為大鍼訟冤修好矣大鍼憾不釋亦列焉將窮治其事獄詞詭祕廷臣皆自危而士英不欲興大獄乃第當大悲妖言律斬而止

綱明重頒三朝要典命追卹逆案諸臣 國楊維垣追論三朝黨局力詆王之秉楊漣等而為劉廷元霍維華等訟冤乃命求三朝要典宣付史館

尋復令刪定刊行吏部尙書張捷力稱維華等忠請表章三案諸臣因盡

追賜卹典贈廣祭葬謚全者維華等六人贈廣祭葬不予謚者徐大化等二人贈祭葬者徐揚先等三人復官不賜卹者王紹震等三人他者王德完黃克鑽王永光章光岳

等姓名不詳于逆案而為清論所不予者亦賜卹有者○徐揚先江甯人章光岳臨川人袁宏勳復請追論焚要典諸臣罪袁繼

咸疏言要典已經先帝焚毀何必復理其說未進宜寢之已進宜毀之不

聽

清鑑綱目卷一終

清鑑綱目卷之二

鹽城印鸞章編輯 金式陶 張延壽 趙雪 胡應庚 校訂

世祖章皇帝

綱乙酉順治二年明福王由松弘光元年○是年五春正月明以南京宮殿成推

恩諸臣有差 國加史可法太保馬士英少師王鐸少保予廕仍以士英

掌文淵閣印充首輔辦事可法力辭太保許之可法為督師行不張蓋食

不重味夏不筵冬不裘寢不解衣年四十餘無子其妻欲置妾太息曰王

事方殷敢為兒女計乎在軍中絕飲除夕遣文牒至夜半倦索酒殺肉分

給將士已盡乃取鹽鼓下之思先帝泣然淚下凭几臥比明將士集轅門

外門不啓左右遙語其故知府任民育曰相公此夕臥不易得也令鼓人

仍掌四鼓可法寤怒曰誰犯吾令左右述民育意乃免任民育字時澤濟甯人

綱明總兵許定國殺高傑于睢州 國初高傑至徐州沿河築牆專力備

禦且遣人通好許定國太康人為聯結河南計張縉彥亦奏定諸將分地之王

網自永成至留陵許定國自留陵至關陽當洪起自許符至犯水會清兵至孟津先遣精兵渡河沿河十五寨堡

俱望風歸附元年十二月清兵入河南南府總兵李際遇迎降河南撫鎮飛

明南京宮殿成

史可法行不張蓋

明許定國誘殺高傑於睢州

定國置
酒享傑

明以衛
允文歸
防務開

章告急詔傑率兵進屯歸德為備本年正月傑帥師進次歸德時定國方駐兵睢州故與傑有怨皆上書誣傑為賊故傑恨之且已遣使納款于清並送其二子渡

河為質乞濟師往援傑微聞之招定國相會不應傑復邀巡撫越其杰等

同往睢州定國始郊逆毀其軍而以羸見且故為屈服狀傑心輕定國遂

入城其杰止之不聽十一日定國置酒享傑飲酣為定國刻行期且微及

送子事定國益疑無離睢意傑故促之行定國怒夜伏兵傳礮大呼其杰

等亟遁走傑醉臥未起衆擁至定國所殺之先是傑以定國將去睢盡發兵成關封所留觀卒止數十人定國臨恭順

無子遺定國奔老城尋走降于清軍黃得功聞傑死復引兵襲揚州將盡

殺其妻子以報城中大懼史可法急命同知曲從直諭解之乃引兵去曲從

直遼東人

綱明以衛允文為兵部侍郎總督開歸防勦軍務 **目**高傑既死部下兵

將大亂互為雄長睢州旁近二百里殺戮無遺史可法聞之流涕曰中原

不可為矣遂馳至徐州以總兵李本身乃傑甥請用為提督代統其衆又

立傑子元爵為世子撫定其軍黃得功劉澤清劉良佐聞可法欲以本身

立傑子元爵為世子撫定其軍黃得功劉澤清劉良佐聞可法欲以本身

明以阮
大鍼為
兵部尚
書

清兵克
西安陝
西平

將傑軍連章劾之而監軍衛允文希馬士英指亦論可法督師為贅士英喜即擢允文兵部右侍郎總督興平標下兵馬經略開歸防勦軍務以分其權可法益不得展布矣命撤傑兵回揚州改劉良佐防歸德

二月明以阮大鍼為兵部尚書命大鍼以尚書協理部事仍巡閱

江防大鍼雖長中樞置一切兵事不問顧時撓六部權任劉應賓沂水人

為文選濁亂銓政再舉考選擢其私人二十餘人為給事御史嘗欲罷撫

按糾薦令納金子官糾者免薦者予其謬誕如此中書舍人林翹諱星漸以嘗決

部督銜蟒服禮事總督袁繼成請以陳麟鄧林奇為總兵大鍼素賄始給勅印諸白

清兵克西安李自成走襄陽陝西平自元年七月李自成遁歸西

安朝廷恐其阻關固守又慮其西竄甘肅廷議大舉討賊分兩起出師以

武英親王阿濟格為靖遠大將軍與吳三桂尚可喜等由大同邊外會諸

蒙古兵赴榆林延安拊陝西之背以豫親王多鐸為定國大將軍率孔有

德等由河南夾攻潼關與英王會於西安豫王之軍以十二月渡孟津走

賊將張有聲於洛陽收沿河寒堡進攻陝州破賊將張有曾於靈寶盡收

關外諸地自成盛兵潼關據山為陣時清軍大礮未至遣前鋒三千人距

潼關之戰

定北京從賊諸臣罪

關三十里而營賊將劉宗敏圍之三日夜人馬寂然賊莫能測故不敢擊自成出關迎戰三千騎從中崛起奮擊敗之本年正月清兵大集大礮亦至遂進逼潼關賊將劉芳亮迎戰為清軍所敗自成親率馬步兵至復大破之斯時英王之師已自保德州結筏渡河入綏德走李錦克延安鄜州偃西安之北自成腹背受敵遂棄潼關遁清軍克潼關偽伯馬士耀以七千人來降斬之越二日進規西安自成已先五日焚宮室走藍田出武勝關趨襄陽復走武昌從之者尚五十餘萬聲言將取南京東南大震

綱明定北都從賊諸臣罪削刑部尚書解學龍籍 曰先是命治從賊諸

臣獄做唐制六等定罪學龍議定為爰書分別上之一等應磔者十一人

吏部員外郎卡企郊舉人牛金星平陽知府非麟然太僕少卿曹欽程御史李振聲諭上獄山二西提學參議黎志陸陝西布政使陸之祺給事中高翔瀘潼關道龔事楊王休檢討劉世芳

等應斬秋決者四人 給事中光時亨河南提學龔事龔事龔事 三等應絞擬贖者七人 翰林

院修撰兼都給中陳名夏等 四等應成擬贖者十五人 禮部主事王孫慈等 五等應徒擬贖者十人 政通

司參議 六等應杖擬贖者八人 工部員外郎潘同春等 其留北俟後定奪者十九人又

已經錄用者十人奏入諭以周鍾光時亨等不當緩決陳名夏等未蔽厥

辜令再議保國公朱國弼御史張孫振等詆學龍曲庇行私遂削籍

自稱崇
顯太子

王之明
之獄

自稱王
妃

河南婦
人之獄

三月明人有自稱崇禎太子者下獄治之。北都之變李自成劫太

子慈娘西走不知所終或傳其已遇害至是有自北來稱太子者召勳臣

朱國弼等閣臣馬士英等翰林劉正宗安邱人等入見武英殿面諭同府部

九卿科道辨驗真偽日午羣臣奏係故駙馬都尉王昺河間人姪孫王

之明曾侍衛東宮家破南奔鴻臚少卿高夢箕河間人家丁穆虎教之詐稱

太子乃下之明中城兵馬司獄越四日復逮夢箕穆虎鞫于午門外皆具

服亦下刑部獄時都下士民皆以太子為真衆論籍籍謂士英等朋奸導

上滅絕倫理黃得功即抗疏爭之略言東宮未必假冒先帝子即上子未

有了無證明混然雷同者臣恐在廷諸臣諂狗者多抗顏者少即明白讖

認亦不敢抗論取禍云云命三法司覆訊王之明等遂令燬得功原書以

絕奸謀左良玉亦疏請保全東宮且斥士英等為奸臣廷議以王之明自

供甚明將審明略節諭之而已。

明人有自稱王妃者下獄治之。時河南婦人童氏自稱藩邸王妃

劉良佐信之巡撫越其杰具儀從送至京廷議以為假冒下童氏錦衣衛

獄以前巡按御史陳潛夫嘗于途次稱臣朝謁亦逮治之中外譁然良佐

清兵定河南

因言王之明童氏兩案未協輿論懇求曲全兩朝彝倫毋貽天下口實命將獄詞刊布以息羣疑

○清兵定河南 豫親王多鐸既定關陝即移師下江南時河南尚為

明人所有清兵出虎牢關口分兵自龍門關及南陽三路同趨歸德克鄆

城上蔡諸縣所遇城邑皆望風款附遂進取歸德巡按御史凌嗣及其從

子潤生死之南陽副將李好降河南悉定

○明左良玉舉兵反 良玉既與馬士英有隙士英謀築板磯為西防良玉曰今西何所防殆防我耳

而黃澍匿其軍中與諸將日以清君側為請良玉躊躇弗應會王之明事

起良玉爭不聽心甚不平澍欲借此激眾以報已怨召三十六營大將與

之盟良玉亦以士英裁其餉益大憾反意遂決乃傳檄遠近以討士英為

名復上疏請誅之疏上即引兵而東自漢口達蘄州列舟三百餘里士英

大懼急命阮大鍼劉孔昭率兵會黃得功趨上江堵禦袁繼成請赦太子

以遏止之不聽良玉之發武昌遊總督何謙蛟借行不可則盡殺城中人毋之說蛟解印付家人令速走將自剄良玉部將擁去置之別舟乘間躍入江漂十餘里漁舟

救之起則英前將軍張壯舉侯廟前也家人懷印者亦手相視大驚寬漁舟忽不見人謂騰蛟忠誠得神祐云

○夏四月明庶吉士周鍾給事中光時亨伏誅遂殺前禮部郎中周鏞山

殺周鏞雷續祚

明左良玉舉兵反

東按察司僉事雷縝祚。先是馬士英以鑣縝祚嘗主立潞王議指爲

姜曰廣私黨令朱統鑣劾奏逮治及周鍾光時亨以在北都從賊罪下獄

士英復言二人罪應族誅而請以鑣從坐阮大鍼亦與鑣有夙憾于是御

史羅萬爵蕪州人王愴等連疏詆鑣縝祚至比縝祚爲成濟請亟正西市至

是左良玉稱兵人情洶洶而良玉檄中復斥其搆陷鑣縝祚狀士英等益

怒因謂鑣實召良玉兵遂戮鍾及時亨而賜鑣縝祚自盡故事小臣無賜

自盡者因良玉兵東下故大鍼輩急殺之

○明徵劉良佐等將兵入援。左兵將至馬士英急調良佐等入衛劉

澤清亦以勤王爲名大掠而東時史可法以清兵將及淮南連疏告警明

主召對羣臣大理寺少卿姚思孝歙縣人御史喬可聘寶應人成友謙嘉興州人請

毋撤江北兵亟守淮揚士英厲聲叱曰若輩東林猶藉口防江欲縱左逆

入犯耶北兵至猶可議款左逆至則若輩高官我君臣獨死耳力排思孝

等議淮揚備禦益弱

○明左良玉死于九江。良玉至九江邀袁繼成入舟中語及太子下

獄事大哭因袖出密諭邀諸將盟繼成正色曰先帝舊德不可忘今上新

明徵劉良佐等入援

左良玉死九江

喪 左 夢 庚
秘 不 發

清 兵 克
泗 州

恩亦不可負良玉色變乃改檄為疏駐軍候旨繼咸歸方謀拒守而部將

郝效忠陰約良玉兵入城殺掠縱火殘其城而去良玉已疾篤夜望城中

火光太息曰吾負臨侯別繼成嘔血數升遂死其子夢庚祕不發喪諸將共

擁為帥留七日而東兵勢尚盛自彭澤以下皆陷黃得功方駐軍荻港在

西昌縣進拒夢庚于銅陵破之解其圍阮大鍼等日虛張捷音以邀爵賞得

功尋復敗其衆于板子磯乃封得功靖國公命移家太平一意辦賊後其玉

總兵惠登相本降賊將天星惑其玉恩有忠實心方諸將自九江東下進陷郡縣獨池州不攻臨

言前持後軍登相大誦曰若此則反不如我前為流氓賊時矣如先帥未命何撤其軍返夢庚乘

輕軻追之惟見大勳登相以夢庚不足事遂引兵絕江去諸將乃議還軍而清兵已至江北少庚

逃於黃鵠城及安慶巡撫張亮尙黃浙率衆歸附亮乘間赴水死崇威北行亦不屈死○張亮四

川人袁繼盛清朝賜諡恩毅

綱清兵克泗州 先是清兵既平定關陝即命豫親王多鐸移師取江

南多鐸統兵出虎牢關分遣固山額真拜音圖出龍門關在陝西龍門縣黃河口尙書

韓岱出南陽三路進軍同趨歸德時河南義師劉洪起等擁衆各四五萬

山東凌駟謝陞等亦各起兵收復郡縣聲勢相應而明主昏庸馬阮專政使史可法督師揚州江北四鎮高黃二劉高傑駐瓜州在江都縣西黃得功駐儀真今揚子縣劉澤清駐淮安今為縣劉良佐駐壽春今壽縣其中黃得功最忠勇

而高傑兵與左良玉兵最強左良玉屯漢口為巡撫何騰蛟所用高傑移駐徐州為可法所用皆欲奮勇自效而馬阮忌賢嫉能諸將解體良玉與得功之兵既闕於西而高傑與許定國之兵又闕於北於是清兵得以三路並進克鄆城上蔡諸縣進陷歸德由歸德復分兩路進兵一出淮北為都統準塔之師一出淮南為豫王多鐸自將之師會許定國誘殺高傑於睢州通款清軍約為鄉導左良玉又反於上江清兵遂連陷潁州太和進兵泗州泗縣今安徽本月十三日清兵未至泗州二十里遣將先奪泗州淮河橋守將焚橋遁走清兵遂連夜渡淮進攻揚州

綱清兵克揚州明督師兵部尚書兼大學士史可法等死之 **目**初可法

聞清兵南下將移軍泗州防護祖陵輜重已發而左良玉稱兵召之入援

渡江抵燕子磯黃得功已破良玉軍可法乃趨天長檄諸將救盱眙俄報

盱眙已降清泗州援將侯方巖敗歿清兵已渡淮而南可法一日夜奔還

揚州訛傳許定國兵將至殲高氏部曲城中人悉斬關出舟楫一空可法

檄各鎮兵無一至者獨總兵劉肇基自白洋河在桃源縣西白洋鎮即澧水之下流也趨赴請背

城一戰可法持不許十八日清兵大至屯斑竹園詔諭可法及衛允文等

史可法
死節

降不從。明日，總兵李棲鳳監軍副使高岐鳳拔營出降。城中勢益單，諸文

武分陣拒守。舊城西門險要。可法自守之。作書寄母妻，且曰：死葬我高皇帝陵側。越二日，清兵薄城下，用巨礮擊城。

西北隅城遂破。可法自刎不殊。一參將擁可法出小東門，既就執，可法大

呼曰：我史督師也，乃殺之。可法死，覓其遺骸，天暑蒸，不可設。臨年，家人以匏笏招魂葬于揚州郭外之梅花嶺。梅花嶺在揚州府新城廣儲門外。

呼曰：我史督師也，乃殺之。一名劉肇基率所部兵四百人巷戰，力不支，與副將乙邦才青州人、馬應魁

字守卿、莊子固字憲伯，遼東人、汪思誠等皆死。衛允文赴水，及在籍侍郎張伯鯨

自經、知府任民育著緋衣安坐、同知曲從直、王纘爵鄆人、知縣周知畏亦鄆人、羅

伏龍新喻人、吳道正餘姚人、運使楊振熙臨海人、縣丞王志端孝豐人、幕客盧渭渭字

生，長洲人、歸昭崑山人等皆死之。員外郎何綱字繼人，上海人、庶吉士吳爾壘崇德人皆參

可法軍事。城破，亦投井死。其他諸生高孝績，十七琦，王讚，王績，王續，又有武生戴之藩，醫者陳天授，畫士陸倫，氣兵張有德，市民戚應昌。

舟子徐某及婦女死節者不可勝紀。清兵留十日，遂屠城而南。時福王命劉澤清往援揚州，而澤清已潛

謀輸款清，惡其反覆，藥誅之。○按史可法：○清執賜諡思正。

五月，清兵渡江克鎮江。清兵臨江，總兵鄭鴻達、鄭彩以水師守瓜

州，副使楊文驄駐金山，扼大江而守。會明主擢文驄常鎮巡撫，兼督沿海

諸軍。文驄乃還京口，合鴻達等兵駐南岸，與清兵隔江相持。清兵編大筏

清兵克
鎮江

留兵十
日屠城
而南

明主出
奔太平

清兵定
南京

置燈火。俟至夜放之中流。南岸軍發礮擊之。筏皆覆入水。鴻達喜以為獲勝也。日夜騰章告捷。而清兵已乘霧潛渡矣。既抵岸。先濟者數百騎。據高阜。鳴螺樹幟。明兵始知覺。倉卒列陣。甘露寺。而大軍已畢濟。以鐵騎蹙之。明兵悉潰。遂陷鎮江。蘇松巡撫霍達長安人及文驄俱走蘇州。鴻達等縱兵大掠。遁還閩中。

綱明主出奔太平。 **目**鎮江既陷。敗軍奔還。南京大震。明帝飲宴至夜半。聞之。跨馬自通濟門出走。遂奔太平。劉孔昭斬關遁。馬士英以黔兵自衛。挾帝母妃走浙江。亂兵入獄。擁王子明立之。時黃得功方屯兵蕪湖。帝潛入其營。得功驚泣曰。陛下死守京城。臣等猶可盡力。奈何聽奸人言。倉卒至此。且臣方對敵。安。扈駕。帝曰。非卿無可仗者。得功泣曰。願效死。十英廣

德。知縣趙景和。閉門拒守。士英攻殺之。遂走杭州。阮大鍼亦自上江逃至。未幾。清兵至杭。王常澆開門降。士英與大鍼俱走。嚴州方國安營。年。清兵勦湖賊。擒士英。誅之。大鍼乞降。從清兵攻仙霞關。僞仆石上死。

綱清兵定南京。 **目**清軍既陷鎮江。即由丹陽進取南京。營於郊壇之北。

時明帝遁已三日。總督京營忻城伯趙之龍奉表納款。勳戚自魏國公徐

允爵安基子駙馬都督齊贊元尚光宗女靈璧侯湯國祚安遠侯柳祚昌等大

臣自大學士王鐸禮部尚書錢謙益等文武數百員并城內官民迎降高傑子元爵及廣昌伯劉良佐等亦于沿途歸附得馬步兵二十三萬清兵

遂入屯城中時刑部尚書高倬吏部尚書張捷副都御史楊維垣皆死之而庶僚殉難者則有儀制司主事黃端伯不屈死戶部郎中劉成治自縊死戶部主事吳嘉允謁

方孝孺從容投縊死中書舍人龔廷祥沒武定橋下死欽天監博士陳子階自經于公署其諸生布衣死者則有吳可箕金璽陳士達等端伯字元公建昌新城人成治字廣如漢陽人嘉允字

繩如松江華亭人廷祥字伯輿無錫人于階上海人可箕徽州人璽士達俱南京人

平。目清兵至蕪湖明總兵田雄宜府劫其主以降靖國公黃得功死之江南

走清兵據江口截其去路黃得功以戰敵荻港時傷臂衣葛衣以帛絡臂

佩刀坐小舟方督麾下八總兵結束前迎戰而良佐大呼岸上招降得功

怒叱曰汝乃降乎忽飛矢至中其喉左偏得功知不可為擲刀拾所拔箭

刺吭死清朝賜諡忠節其妻聞之亦自經死總兵翁之琪投江死田雄遂挾帝以降所屬總兵及部眾俱降

清兵執帝至南京改南直隸為布政司以應天府為江寧府分徇郡縣無

不歸附江南悉定清兵遂進攻浙江

綱六月清兵克杭州明潞王常淂明穆宗孫潞簡王翊鏗之子降唐王聿鍵明太祖八世孫

孫世子器

奔福建目時清兵已定南京豫親王多鐸遣貝勒博洛進兵徇

清兵克杭州

江南平

清兵至蕪湖

常州蘇州皆下之

蘇州鄉官右庶子徐汧作書戒二子勸衣冠投虎邱新塢橋下死。事人楊廷樞聞變遁入鄧尉山中尋受唐王爲檢討時四方弄兵者咸指

目廷樞事者執廷樞好言獻之廷樞慢罵不已殺之蓋城泗州寺徐汧字九一楊廷樞字維斗夏洲人汧廷樞俱賜諡忠節

留兵二千駐蘇州大軍

悉趨杭州時明潞王常滂流寓于杭諸臣聞宏光見執請常滂監國不受

及清兵至常滂大懼從巡撫張秉貞及陳洪範等計率衆開門迎降錢塘

知縣顧咸建

字漢石。南山人。臨安知縣。唐自綵

達州人

邵武同知王道焜

字昭平。錢塘人。

皆死之

時監司及郡邑長吏多遁竄。獨咸建守官不去。潞王既降。咸建不至見執死。自綵與從子僻豫逃山中。有言其陰部署爲變者。遂被捕獲。與僻豫同死。道焜投縲死。○成

建自縊俱賜諡忠節

紹興諸郡悉望風納款。明前左都御史劉宗周以與馬阮不

合。退居山陰。聞杭州破。卽慟哭不食。移居郭外。出辭祖墓。舟過西洋港。躍

入水中。水淺不得死。舟人扶出之。竟絕粒二十三日而卒。

宗周賜諡忠介。其門人殉義者有諸生王

毓。字元趾。會稽人。方宗周絕粒未死。毓著上書曰。願先生早自裁。毋爲王炎午所弔。毓著之友。勸以陶淵明故。毓著曰。不然。吾輩聲色中人。久則難持。及今早死。爲愈。召故交奏樂歡餞。酒罷。

攜鑄出門。投柳橋下死。事人祝淵。字誦美。海甯人。方彝母。趣工人速竣。且家殺蔡。投縲死。

明文淵閣大學士高宏圖應天巡撫

右僉都御史祁彪佳。行人陸培。

字錕庭。錢塘人。

亦先後殉節死。

宏圖賜諡忠烈。彪佳賜諡忠惠。培賜諡忠節。

嘉興已歸附。而士紳屠象美等復集衆據城拒守。清兵還攻之。半月而破。

明吏部尚書徐石麒死焉。

石麒時移居郭外。聞清兵至。曰。吾大臣也。城亡與亡。豈宜苟活。乃復入居城中。城破。朝服自縊死。賜諡忠節。

王聿鍵以被赦出高牆。聿鍵先於崇禎間以行至杭州。遇鄭鴻逵及戶部侍郎

劉宗周死節

唐王入關

何楷字元子戶部郎中蘇觀生字字霖等遂奉以入閩鴻達為鄭芝龍之弟江防守及清兵渡江鴻達等光時命其帥舟師駐鎮

走杭州至是遂奉唐王入閩

明兵部尚書張國維等奉魯王以海明太祖九世孫魯稱監國於紹興

時浙江屬郡多歸降寧波惟一同知治府事已齎圖籍迎附明刑部員

外郎錢肅樂字希聲力議拒守士民集者數萬人肅樂乃建牙行事郡中

守○王之仁既納款而海入城與肅樂締盟共會稽人山西聞魯王以海在台州遣舉人張煌言

奉表請監國會諸生陳遵謙陳之升之殺招撫使於江上與兵部

尚書張國維等舉兵紹興給事中熊汝霖餘姚九江兵備僉事孫嘉績順

等自餘姚應之國維自迎以海於台州以海即日赴紹興用方逢年

議稱為魯監國以國維為太傅兵部尚書武英殿大學士督師

江上畫錢塘而守以熊汝霖孫嘉績為右命部御史總兵官方國安青陽亦自

金華至與王之仁等皆加封爵國安荆國公之仁武備伯鄭樹木城於緣江要

害聯合諸營為持久計時之仁國安兵食用甯波紹興台州三郡田賦而船築兵資富室

王師至國維來拒戰於草橋門敗還遂不敢出

下薙髮令

始定薙髮之制

詔曰向來薙髮之制不即令盡一姑聽自便者欲俟天下大定始行此制耳今中外一家若猶父也

下薙髮

明魯王以海監國

外限旬日直隸各省地方自部交到日亦限旬日為情髮爭留決不輕貸限旬日以內盡

行薙髮其有仍存明制不隨本朝制度者殺無赦時陝西巡撫孔聞譟奏

臣家宗衍聖公已遵令薙髮第念先聖為禮樂之宗章甫縫掖自漢及明

三千年之久未之有改一旦變更恐非崇儒重道之典請蓄髮以反衣冠

朝廷以薙髮嚴旨違者無赦姑念聖裔免死革職

附記 清初入關施行種種改革惹漢人之惡感者厥惟薙髮令收薙髮原為滿洲蒙古

時有人皆斥北人為索虜謂其首辮髮如索也南宋時金人入主中原太宗天會七年下令

民一律強行辮髮明太祖起自南方光復中土首下復古詔嚴禁辮髮惟增時南北兩方以

百餘年之胡俗始盡復中國之舊德三百年而南人之束髮觀念與歲俱增時南北兩方以

長城為界線南為東髮北為辮髮兩民族之繁衍早歷史上之奇觀至滿清入關乃以薙髮

編辮為征服漢人之條件故順治二年江南略定後節厲行薙髮令凡不薙髮者殺毋赦

於南方尤絕對強行其揭示江南者竟有留頭不留髮或遺深山甚有埋髮而避為髮塚

者當時四人阿爾力安氏著一論謂同一漢人最為斷其頭而順從如羊者今為斷其髮而

奮起如虎使斯時明諸王能一路追行不釀內訌則滿人之能舌統一支那尚為一疑問也

云云觀此則清人入關之初所以痛招漢人之惡者莫此難髮令者厥後太平軍起亦以薙

中國歷史上
重大問題哉

陝西胡守龍等作亂總督孟喬芳討平之 **陝西妖賊胡守龍等假**

焚祝之名陰行煽惑聚眾數萬自稱徐會公僭號清光元年造妖符妖印

陝西胡守龍作亂

結黨倡亂喬芳懸賞購其渠魁為民人楊仍祖所首遣副將陳德等領兵擒守龍斬之散其脅從妖黨悉平

洪承疇招撫江南各省

綱閏六月命大學士洪承疇等招撫江南各省 自命承疇以原官內閣

大學士總督軍務招撫江南以恭順侯吳惟華為太子太保兼右副都御

史總督軍務招撫廣東禮部左侍郎孫之獬為兵部尚書提督軍務招撫

江西尚寶寺卿黃熙允晉江人為兵部右侍郎招撫福建原任大同巡撫江

禹緒任以兵部右侍郎提督軍務招撫湖廣刑部尚書丁之龍為兵部右

侍郎招撫雲貴

綱明禮部尚書黃道周等奉唐王聿鍵稱帝於福州 目鄭鴻逵等擁唐

王聿鍵至閩道周與福建巡撫都御史張肯堂字載雷松江華亭人南安伯鄭芝龍等

奉聿鍵稱監國鴻逵請急正位不然無以壓衆心諸臣皆以監國名正候

出關建號未遲而擁立者豔推戴功不數日即定議稱帝於福州改年隆

武以福州為天興府即布政司署為行宮大赦進芝龍鴻逵為侯鄭芝豹

鄭彩為伯兵事機宜悉芝龍為政以天興建寧延平興化四府為上游汀

洲邵武漳州泉州四府為下游各設撫按議簡戰守兵自仙霞關而外宜

明唐王聿鍵稱帝福州

明道周為黃
大學士

清兵定
江西

守者一百七十處計兵十萬戰兵如之閩浙兩粵之餉不支其半乃議預借兩稅一年令羣下捐俸勸紳士輸助徵府縣銀穀未解者官吏督迫閭里騷然

綱明以黃道周為武英殿大學士參贊機務餘授官有差 目明主素重

道周學行禮敬備至時召何吾騶蔣德景等未至道周為首輔又以張肯

堂為禮部尚書何楷為戶部尚書郭維經字亦修江西龍泉人為吏部侍郎蘇觀生為

翰林學士禮部侍郎設儲館分十二科召四方士令觀生領之至者多雷流 鄭芝龍

鴻達兄弟橫甚一日帝賜宴芝龍以侯爵欲位道周上道周與爭衆議抑

芝龍文武大不睦有諸生上書詆道周迂不可居相位 明主將郊天芝龍兄弟稱

疾不出何楷言禮莫大於郊二勳臣不陪祀無人臣禮帝獎其風節命掌

都察院事鴻達扇殿上楷呵止之兩人益怒楷知不為所容請告去塗遇

賊截其一耳則芝龍使部將楊耿為之也

綱秋七月清兵定江西 目先是清兵至九江明寧南侯左良玉子夢庚

率所部三十六營來降江西巡撫曠昭遂甯人棄南昌走瑞州列城望風奔

潰惟明益王由本明憲宗六世孫益敬王常遜之子在建昌與布政使夏萬亨字元龍崑山人副使

王養正字聖功。潤州人。知府王域字元壽。松江華亭人。推官劉允浩按縣人。南昌推官史夏隆

人宜與等舉兵拒守南昌諸生鄧思詒集其儕數十人為庫兵。後城破俱死。閱三日有客兵為內應城即破

由本奔旗塘佛舍尋歸明主聿鍵於福州萬亨等械至南昌俱死之萬亨等五

賜人俱死。○賜諡烈愍。新城知縣譚夢開迎降。民潛導守關兵殺之。夢開餘黨與民互相

殘。彌月不靖。明主聿鍵以李翔邵武人。為新城知縣。禽殺餘黨。率民兵出城

拒敵。清兵自間道入城。民兵皆散。翔與御史徐昌伯新城人。俱死之翔昌伯俱賜諡忠愍。

清兵進克袁州廣信袁州同知。嘗府事。李時與白縉於津鄉官舍。廣信同知。切甲桂。見執自經死。○時與。新清人。甲桂。字秋洞。處山人。俱賜諡節愍。會

明益宗永寧王慈炎招連子嗣士兵數萬。復陷建昌。入撫州。考功主事揭

重熙字祝萬。臨川人。文選主事曾亨應字子嘉。臨川人。皆舉兵相犄角。南贛巡撫李永茂

遣副將徐必達扼泰和。未幾戰敗。永茂奔贛州。慈炎亦以糧盡。退保建昌。

清兵追獲殺之曾亨應一日方晏客。清兵至。宗族死者二十餘人。亨應避石室。其從弟指示。送見執。并執其長子筠。亨應顯筠曰。勉之。一日千秋。無自負筠曰。請受刑。

先死。○亨應縛諭降之。不答。遂戮之。又總兵謝上達。副總兵士坤。參將顧明標。於贛。副總兵。都督蔡鈺。金世任。副將林引等。俱見執死。○亨應賜諡烈愍。上達。坤。明標。等。引等。俱賜諡節愍。江西諸郡皆平。惟贛州未下。適明主手書至。贛加左庶子

楊廷麟兵部尚書。修撰劉同升字晉卿。吉水人。國子祭酒。廷麟同升。乃與永茂集

士大夫於明倫堂。勸輸兵餉。協謀舉事。立忠誠社。招致四方之士。各率家

明出兵北
伐出江西

丁自齋糧入社者幾三萬人

○明主遣大學士黃道周以兵出江西 ○明主聿鍵好學通典故然國

勢衰微兵食困乏政歸鄭氏諸大帥多巽懷觀望明主不能有所為鄭芝

龍鴻達屢薦其私人為清要官明主不從以是懷怨望會清遣御史黃熙

允晉江人招撫福建熙允與芝龍同里芝龍密使通欵明主屢促出兵輒以

餉緡辭道周知芝龍終無意出關乃自請募兵江西號招羣帥明主給空

筭百函以七月二十二日啓行僅齎一月糧以虛聲鼓動得卒九千人從

廣信出衢州聿鍵以周定納為右金部御史巡撫廣興營北河為兵部侍郎萬文英為兵部

應定納南昌人北河字月如永豐人父英亦南昌人奇偉進賢人少多字友恭籍山人道周所至撫安遺黎聯絡聲勢遠近頗響

○八月清兵克松江 ○先是南京既亡列城俱下而州縣多聚兵自保

者嘉定士民推左通政侯峒曾字豫詹給事中霞陽之子為主與進士黃淳耀字義等誓

死固守江陰諸生許用亦倡言守城以典史陳明遇主兵出戰不勝乃請

前典史閻應元字顯亨通州人已遷英德入城屬以兵事清兵力攻城應元守

甚固而松江在籍兵部右侍郎兩廣總督沈猶龍字雲偕中書舍人李待

清兵克
松江

問字存羅源知縣章簡字坤等亦募壯士數千人守城會吳淞總兵官吳

老葵自海入江結水寨於泖湖總兵官黃蜚擁千艘自無錫至猶龍聯絡

二帥而參將侯成祖字懷玉山衛人守金山衛遙相應援清兵至嘉定峒曾

乞師於志葵志葵遣游擊蔡祥以七百人赴之戰敗而遁外援遂絕城中

矢石俱盡天雨城圯清兵入峒曾等並死之峒曾拜家廟率二子元演元潔沉于池

死其弟淵耀從之舉人張錫眉董用四諸生馬元調至是清兵進取松江志葵蜚敗

于春申浦城遂被圍未幾而破猶龍出走中矢死待問守東門簡守南門俱見執死清

兵遂攻金山承祖與子世祿猶固守城破巷戰踰時父子俱死承祖見獲歌

城中人降蓋不謂志迄不應清兵悉衆攻圍四面發大礮城中死傷無算堅

守自如八月二十一日清兵從祥符寺後城入衆猶巷戰男婦投池井皆

滿明遇用及中書舍人戚勳字伯屏皆舉家自焚應元赴水被曳出斬之

應元賜諡忠烈明

過對俱賜諡烈整

綱明以黃景昉呂大器路振飛朱繼祚莆田曾櫻字仲含俱為大學士

目初路振飛總督漕運謁明鳳陽王陵明主聿鍵方以罪錮守陵中虐之

清兵克江陰

明以黃景昉等大學士

振飛捕治其尤甚者以私錢助之而上疏乞概寬罪宗竟得情聿鍵甚德

之及稱號福州即拜振飛左都御史振飛赴召道拜文淵閣大學士至則

大喜與宴抵夜分徹燭送歸解玉帶賜之聿鍵每言擊臣念玩振飛因進曰上謂臣

亦未必能中輿也上有愛民之心而未見愛民之政有聽言之明而未敢聽言之效喜怒輕發號

令屢更見羣臣庸下而過於督責因博覽書史而務求明備凡上所長者皆臣下所甚憂也其言

曲中聿鍵櫻嘗為福建參政力保鄭芝龍芝龍感次骨薦之聿鍵起為工部

尚書兼東閣大學士無何令掌吏部而移張肯堂於都察院聿鍵所置閣

臣至多前後幾三十人然不令票旨皆聿鍵親為之時肯堂請出募舟師由海

由仙霞趨浙東與印聲援聿鍵乃如肯堂保給勅印便宜從事權文選耶中朱永祐為吏部右

侍郎福州推官徐孚遠為兵部中從行二人皆肯堂里人也鄭芝龍懷異心陰沮之不咸行

綱明靖江王亨嘉靖江王守自稱監國明主執殺之 亨嘉世封桂林聞

南京破招集諸蠻起兵自稱監國謀僭號召廣西巡撫瞿式耜字起田式

耜拒不往而檄思恩參將陳邦傅助防止狼兵勿應亨嘉調亨嘉下梧州

執式耜幽之桂林遣人取其勅印初式耜議立桂王常瀛子安仁王及明

主監國式耜以為倫序不當立不奉表勸進至是為亨嘉所囚乃遣使賀

明主因乞援明主喜而亨嘉為兩廣總督丁魁楚所攻永城勢窘乃釋式

耜式耜與中軍官焦璉召邦傅共執亨嘉械送福州廢為庶人殺之明主

封魁楚平粵伯留鎮兩廣擢式耜兵部右侍郎協理戎政以晏日曙代之式耜不入閩退居廣東

綱明魯王以海遣兵攻杭州不克而還 魯王遣方國安王之仁白富

陽渡江攻杭州總督張存仁遣將督兵迎擊斬首四千級其餘衆尙據富

陽大兵進敗之于關頭追奔二十餘里斬國安子士衍初馬士英擁殘兵

渡江欲謁魯王以海以海諸功臣力拒之乃投方國安軍尋復與國安聯

兵謀窺杭州爲清兵所敗溺江死者無算十英國安乃聚衆江東赭山浙在

安水軍數萬盡殲焉 杭州朱橋在杭縣西頃 范村一名萬村 等處所在肆掠清兵進勦國

綱九月詔收無主田給旗下人耕種 初太祖既併滿州及海西諸國

創定兵制每三百人設一牛叅額貞領佐五牛叅設一甲喇額貞領參五甲喇

設一固山額貞統都每固山額貞左右設兩梅勒額貞副都初設四旗旗以

純色爲別曰黃曰紅曰藍曰白其後增設四旗各以間色緣其幅曰鑲黃

曰鑲紅曰鑲藍曰鑲白共爲八旗八旗兵之從龍入關者例圈民間地與

之至是詔收河間灤州遵化等府州縣無主之田給與旗下人耕種其故

明魯王以海攻杭州

詔收無主田分給旗人

八旗

清兵入湖廣

李自成走死

明公侯伯駙馬皇親太監地酌照家口發給外餘悉沒收入旗

清兵入湖廣流賊李自成伏誅餘衆盡降于明湖廣總督何騰蛟收撫之

初李自成走陝西豫親王多鐸爲定國大將軍率孔有德等由湖南攻潼關自成敗走遂棄西安由龍駒寨走武岡入襄陽復走武昌清兵

兩道追躡連蹙之鄧州承天德安武昌富池口桑家河九江窮追至賊老營大破之者八當是時左良玉東下武昌虛無人自成屯五十餘日衆尙

五十餘萬改江夏曰瑞符縣尋爲清兵所迫部衆多降或逃散自成走咸寧蒲圻至通城竄於九宮山食盡自成留李過守寨而自率二十騎略食

山中爲村民所困不能脫自縊死

或曰村民方鑿壁見賊少爭前擊之馬俱陷泥潭中自成腦中斃死剝其衣得龍玄金印一村民方大驚疑爲自成也時大軍遺識自成者驗其尸朽莫辨後自成兩從父僞趙侯僞襄南侯及白形妻妾二人金印一又獲僞汝侯僞宗敬僞總兵左光先等斬自成從父及宗敬於軍其

將劉體仁郝搖旗等以衆無主義歸明湖廣總督何騰蛟

五萬人驟入湘陰長沙人不知其歸降也懼甚攝偏沅巡撫傅上瑞

請騰蛟出避騰蛟曰死於左死於賊一也何避焉

之從行者盡死城中騰蛟與監軍荆西道僉事章曠

益障○二南蒙化人騰蛟與監軍荆西道僉事章曠

等往撫致騰蛟手書召之曰公等歸朝誓永保富貴搖旗等大喜與大鵬

何騰蛟
收撫流寇

至長沙騰蛟開誠撫慰宴飲盡歡搖旗招其黨袁宗第蘭養成王進才牛

有勇皆歸騰蛟驟增兵六十餘萬未幾自成兄子錦即李通改名奉自成妻高

氏及高氏弟一功復擁衆三十萬驟至澧州乞降明湖南巡撫堵允錫仲字

錫建無錫人議撫之騰蛟亦馳檄至允錫乃躬入其營開誠慰諭稱詔犒軍皆踴

躍拜謝允錫即軍中宴之導以忠孝大義數千言明日高氏出拜謂錫曰堵公天人也汝不可負別部田見秀劉汝魁等亦降明主大喜加允錫

兵部右侍郎兼右僉都御史總制其軍手書獎勞錦等皆賜名受官號其

營曰忠貞置之荊州授錦前部左軍一功右軍并掛將軍印封列侯賜錦名赤心一功名必正封高氏貞義夫人有司建坊題曰淑賢中興騰蛟慮赤心跋扈他日

過其營請見高氏再拜執禮甚恭高氏悅成其子毋忘何公赤心自是無異志允錫亦深相結倚以自強然赤心書疏皆稱自成先帝高氏太后云自成亂天下二

十年陷帝都覆廟社其衆數十萬悉歸騰蛟一時詫異事而騰蛟上疏但

言元兇已除稍洩神人憤宜告謝郊廟卒不言已功明主拜騰蛟東閣大

學士兼兵部尚書封定興伯仍督師騰蛟固辭封爵不允令規取江西

綱冬十月清兵克徽州先是徽州聞南京破明知府秦祖襄及遼屬

皆遁推官溫璜初名以介字于石烏程人歎曰城無主民且自相屠乃盡攝其印召士民

慰諭之明左僉都御史休寧金聲糾集義勇保績溪黃山分兵扼六嶺璜

與相犄角且轉餉給其軍前山東巡撫邱祖德字念修成都人職方郎中尹民興

清兵克徽州

江天一
死節

字宣子時
流寓涇縣
監紀推官吳應箕字次尾等多聚兵應之聲乃遣使通表明主明

主授聲右都御史兼兵部右侍郎總督諸道軍聲遣兵取旌德寧國諸縣

會故御史黃澍降于清導王清問道襲破之執聲至江寧聲語門人江天

一字文石曰子有老母不可死對曰天一從公起兵可不同公殉義乎傳

烈帝時論降天一則誦明莊洪承諭案承賜食以誦之遂與中軍吳國禎副將陳有功守備萬全游擊余元

寅俱死弟經亦死於旌德應箕見獲死祖德退還山中清兵攻拔其寨不降

磔死民與走免唐王肆健以諸生舉兵者有甯國麻三衡字孟瞻布政使溶之孫沈壽蕘字景

山都督有等亦俱敗死官城諸生吳漢超復舉兵連陷句容溧水高淳溧陽太平諸縣夜

其腹膽長三寸黃猶嚴兵自守黃澍復以城獻璜闔門死之璜女詔妻茅同殉茅

其創而死○金鐘笑應箕俱諡忠愍邱聖德溫璜俱賜諡忠烈吳國禎陳有功萬全余元寅范

諡忠愍於是江南民兵悉平

綱定國大將軍豫親王多鐸班師還京多鐸還京帝出正陽門至南

苑迎勞之加封為和碩德豫親王從征將士各賜官爵銀幣有差明年秋

復加封多鐸為輔政叔德豫親王

綱明主遣使於魯王以海以海不受時明主聿鍵便給事中劉中藻

多鐸還
京

閩浙交
惡

福安人。頒詔浙東左右欲應之。魯王以海下令將返台州。熊汝霖獨出檄嚴

拒不納。張國維馳疏福州。略言國當大變。凡為高皇帝子孫臣庶。所宜同

心並力。共圖興復。成功之後。入關者王。且監國當人心渙散之日。鳩集為

勞。一旦南拜正朔。鞭長不及。悔莫可追。臣老矣。豈敢朝秦暮楚。有所左右

于其間哉。聿鍵乃召中藻。還自是閩浙如水火矣。

十二月。明主自福州移駐建寧。時議出師興復。楊廷麟等請出江

右。何騰蛟請出湖南。浙中諸將請出衢州。蘇觀生以事權悉鄭氏所握。請

出贛州。明主遣觀生先行。赴贛州募兵。以曾櫻、鄭芝龍留守福州。司轉餉。

十二月。明主發福州。駐建寧。廣東布政司湯來賀運餉十萬。由海道至。明

主擢來賀兵部侍郎。然兵食匱乏。人心離散。迄不能成軍也。

綱明督師大學士黃道周進兵婺源。戰敗死之。道周進兵至婺源。遇

清兵戰敗。其將陳嗣聖陣亡。道周見執。諸軍潰走。清兵追至開化。總兵曾

德黃光輝、副將蔡瑋、龍勝、陳辰等俱死。光輝、瑋、勝、辰道周至江寧。幽別

室中。從容著詩文數卷。聞當刑。書絕命詞。衣帶間過東華門。坐不起。曰。此

與高皇帝寢近。可死矣。監刑者從之。幕下士中書賴雍平和蔡紹謹溪龍

明主移
居建寧

明黃道
周戰死
婺源

人。○考二人姓名。紅水作蔡華。賴。○兵部主事趙士超。國縣人。廣信通判毛玉潔。六合人。○考毛玉潔紅水作毛至潔。

游擊朱家第等皆死之時。明主又以大學士傅冠。字元甫。進賢人。為督師辦湖東

兵事。瀘溪告警。冠不能救。為給事中揭重熙所劾。或又言其嗜酒。乃許致

仕久之。清兵至。冠死之。冠寓居門人蔡需汪亭龍家。亭龍執以獻。有司不尉。廖子汀州血清池。久而猶腥。汀人歌其忠。○冠賜諡忠烈。

綱丙戌順治三年。明隆武帝二年。魯監國元年。春正月。定歲祭陵廟禮。

綱明主聿鍵遣將分道出兵。不果行。時鄭芝龍知物論不平。不出關

無以弭衆議。乃請以鄭鴻逵為左先鋒。出浙江。鄭彩為右先鋒。出江西。築

壇行推轂禮。鴻逵出城。馬蹶仆地。各擁衆數千。號數萬。既出關。託候餉。仍

駐不行。鴻逵。蘇州人。○考。明主徵催孔亟。不應。彩行百里而還。稱餉缺。留如故。

入芝龍。芝龍已通款於清。聿鍵不知也。曾王以海道都督陳璘使閩。趙趙不敢

獄芝龍。疏救不聽。有御史錢邦芭者。為聿鍵言。諱與芝龍至矣。不急除。恐有內患。聿鍵即命諱

或以告芝龍。芝龍曰。刑人于市。必過我門。我且命停刑。願以我官職贖諱罪。當不免。聿鍵命移諱

別所斬之。芝龍奔起哭極哀。由此快。映不悅。益懷異志矣。○邦芭鎮江人。

綱二月。明主移駐延平。明主決意出汀州。入贛。與湖南為聲援。鄭芝

龍不欲行。令軍民數萬人遮道呼號。擁明主不得行。遂駐延平。綱三月。明主遣使勞魯王軍於紹興。時魯王以海復遣柯夏卿曹惟

明主出師不果

明主遣使魯王

才聘於明。明主加夏卿兵部尚書。惟才光祿寺卿。手書報以海曰。吾無子。王為皇太姪。同心戮力。共拜孝陵。吾有天下。終致于王。浙東所用職官。

盡列朝籍。無分彼此。並遣僉都御史陸清源。平湖人。齎餉銀十萬兩。犒勞浙

東軍士。而方國安縱兵盡奪兵餉。留清源軍中。後國安敗清源自沈于江。○清源賜諡忠節。且出檄

數明主罪。張國維嘆曰。曲在我矣。斯時以海兵力孱弱。武將橫甚。競營高

爵。請乞無厭。兵部尚書余煌上言。今國勢愈危。朝政愈紛。尺土未復。戰守

無資。諸臣請祭。則當思先帝蒸嘗未備。請葬。則當思先帝山陵未營。請封

則當思先帝宗廟未亨。請蔭。則當思先帝子孫未保。請諡。則當思先帝光

烈未昭。時以為名言。煌字武曾。會稽人。

綱清兵克吉安。遂圍贛州。**目**明兵部尚書楊廷麟。自吉安赴贛。將朝明

主。以萬元吉代守吉安。初崇禎末。命中書舍人張同敞。江陵人。原正之孫。調雲南兵

及抵江西。而南京已破。因退還吉安。廷麟留與共守。其將趙印。選胡一青

頻立功。而元吉約束甚嚴。諸將漸不悅。時有廣東兵亦以赴援。至而張安

者汀贛間。峒賊四營之一。驍勇善戰。為廷麟招降。有取撫州功。且招他營

盡降。明主賜名龍武新軍。元吉以安等為足恃也。蔑視滇粵軍。滇粵軍解

清兵克吉安

體然安卒故為賊淫掠自如廷麟遣援湖西所過無不殘破至是清兵攻
吉安諸軍皆內攜新軍又先往湖西不時至城中不戰潰城遂破元吉退
屯阜口檄諭贛州極言雲南兵棄城罪其衆遂西去清兵盡至阜口元吉
不能禦退入贛城清兵乘勝進圍之明兵部侍郎劉士楨促新軍張安赴
援安宵遁廷麟遣使調廣西狼兵而身往雩都召新軍來救戰於梅林再

敗廷麟乃散其兵入贛與元吉憑城守

給事中楊文薦元吉門生也奉使往湖南過贛見事急自任守禦城中賴之江西巡撫劉

遠生自出城召其將張琛於雩都贛人曰撫軍過矣怒於其舟拘其妻子賊遠生率黨兵至贛人乃大海遠生憤甚渡河再戰皆敗見獲復逃歸援軍皆不敢前會李永茂遣廣東京兵五千至清兵為解圍屯于水西未幾圍復合城中拒如初時贛圍守久明主獎勞之賜名忠誠府加元吉兵部尚書文薦右僉都御史劉維經為吏兵二部尚書兼右副都御史總理湖廣江西廣東浙江福建軍務督師往援維經與御史姚奇允募兵八千人入贛州與廷麟元吉同守時東鄉安仁貴溪瑞州餘千萬年諸郡縣俱聚兵遙應閩中清兵分道進勦先後克捷擒斬明文武官甚衆其死于東鄉者有副將傅潛龍參將黃雲鄂司文而武守備劉成振等在安仁則有參將傅鼎乾都司徐德守備洪士邦等在貴溪則有總兵陳海汪碩畫副將汪洋監紀知縣顧汝健等在瑞州雞公嶺崇山一帶則有副將黃英都司教高參將晏廷等在餘千萬年則有都司趙祖參謀舒奇謀等○姚奇允字有樸錢塘人自傅潛龍以下十六人俱賜諡節愍

夏六月清兵克紹興明魯王以海遁入海

征南大將軍貝勒博洛

等以五月二十日抵杭城魯王以海諸軍列營錢塘江東岸綿亙二百餘里艤舟江上以待清兵未具舟楫不能渡忽江沙暴漲水淺可涉二十七
日清兵策馬徑渡方國安盡棄戰艦拔營走紹興劫以海南行江上各營

聞報一時俱潰走六月一日清兵入紹興國安決計獻以海來降遣人守之會守者病以海得脫至台州航海走命張國維防遏四邑圖後舉國維還守東陽知勢不可支作絕命詩三章赴水死賜諡忠愍兵部尚書余煌等皆

死之二煌赴水舟人拯起之居二日復沒深處乃死大理寺少卿陳潛夫赴山陰化龍橋借妻妾

禮部侍郎陳函輝從以海航海已而相失哭入雲峯山投水死諸主諸暨傅日炯鄞縣留景麟浦

江張君正瑞安周欽崇永嘉鄭之琦等皆殉義死○潛夫字元倩錢塘人岱字魯瞻汝菴字恆生

俱會稽人函輝字木叔海人煌潛夫清兵進克金華督師大學士朱大典闔門

死大典賜諡忠愍時以海至石浦定西侯張名振從之至舟山守將黃斌卿不納

乃浮海至廈門遂去南澳方國安方蓬年俱來降尋以蠟丸書通閩搜得誅死阮大鍼在

僱仆石上死英擁殘兵欲入閩明主不許會清兵勦湖賊士英與吳易擒獲斬之事俱國史而野

乘載士英遁台州山寺為僧為清兵搜獲尋得其與大鍼通閩疏斬之延平城下大鍼方游山自

觸石死仍營屍云○吳易字日生吳江人與舉人孫兆奎諸生沈自嗣自炳吳福之等聚兵長蕩

明主授為兵部尚書魯王以海封為長興伯清兵至俱被獲死總兵程槐沈茂職方主事倪曼倩

監軍道朱世昌通判馮時敏評事馮一鸞與易等俱死時太湖中咀兵者其家有鑽南伯金公玉

安撫計耕奇徐明道參將李世忠總兵王元震史宏術田希成毛濟宇同知吳任蘭藩鎮汪碩德

參謀陸美初副將施子昭及朱大定曹長沈君暉等俱先後被獲乘間赴水死○易槐茂曼倩世昌

為僧魯王以海授兵部侍郎銜潘謀結太湖兵舉事等語被獲乘間赴水死○易槐茂曼倩世昌

時敏一鸞公玉耕奇明道世忠元震宏術希成濟宇閩中大震鄭芝龍假言海寇入

任蘭碩德美初子昭俱賜諡節愍子龍賜諡忠裕

犯須往備禦拜疏即行盡撤兵回安平鎮守關將士皆隨之仙霞嶺二百

里間遂空無一人

浙東平定

清兵克
衢州

仙霞關
之役

延平之
役

○秋七月清兵克衢州。○明巡按金衢二府兼視學政御史王景亮武字

長吳衢州知府伍經正安福人推官鄧巖忠江陵人皆不屈死魯王以海所遣

鎮將張鵬翼及伯吳凱總兵項鳴斯等亦死之江山知縣方召宣城人集父

老告之曰兵且至吾義不當去然不可以一人故致闔城被誅若輩可迎

附遂封其印冠帶自縊死景亮、經正、巖忠、凱、鳴斯、召俱賜諡節愍鵬翼、賜諡烈愍

○八月清兵克建甯遂進兵入閩。○時鄭鴻達駐仙霞關外聞清兵至

徒跣疾走三日而抵浦城明主聞之削鴻達爵初清兵至仙霞嶺關門無

一守兵遂從容過嶺長驅直入然清兵入閩者或由建或由汀或由福寧

俱走山谷間不必仙霞嶺也明巡撫上游四府兼領關務鄭為虹字天玉江都人

聞訊亟還浦城縱士民出走自守空城無何城破為虹與給事中黃大鵬

字文若建陽人並死之為虹故浦城知縣明主聞其廉召為御史郡民相率乞留

仍令以御史巡關尋擢巡撫鄭芝龍部將奪民舟為梁為虹叱責之芝龍

訴於明主明主為諭解乃已至是殉難又巡撫楊廷清李暄亦俱為清兵

所獲死之為虹賜諡忠烈大鵬賜諡烈愍廷清暄俱賜諡節愍

○明主奔汀州清兵遂克延平。○閩中自鄭芝龍去後羣情益離沮明

主視朝命內侍出一篋示羣臣曰吾賴諸卿擁戴越在海隅布衣蔬食曉夜焦勞正是上為祖宗下為百姓惟恐負卿等立君之意昨關上主事搜得閩中出關迎降書一百餘封今俱在此吾不欲知其姓名令錦衣衛官對衆焚之卿等宜無負初終也然人心已去終不可回明主因決計赴贛何騰蛟亦遣郝永忠即郝搖來迎將至韶州會仙霞關敗聞至明主遂以八月二十一日自延平倉卒出走留兵部侍郎曹履泰偕延平知府王士和居守猶載書十餘篋自隨抵順昌聞追兵且至騎而奔數日方至汀州延平驚報疊至士和召父老曰吾雖一月郡守當與城存亡若等可速出毋使數萬生靈盡膏斧鑕衆泣士和亦泣退入內署謂友人曰吾一介書生數月而忝二千石安敢偷生其友勸止之正色曰君子愛人以德姑息何為從容正衣冠閉戶投繯死賜諡節愍清兵遂克延平

清兵至汀州明主聿鍵被執鄭芝龍降其子成功走入海福建平

明主在汀州清兵奄至從官奔散明主與妃曾氏俱就執給事中熊緯聞難奔赴過清兵死之總兵

官都督俞上探奔還福州謂家人曰古世臣不可苟活為我采葶草來與妾劉氏共飲藥酒而死○熊綺字文江南邑人賜諡烈愍胡上探福州衛人世襲指揮使賜諡愍曾氏

至九瀧投於水明主死於福州賜曲王盛渡四河王盛淦松滋王演漢四城王通簡等俱死明總兵妻正希率

汀州之
役
明主被
執

兵二萬復來襲汀州乘夜登城清兵擊敗之斬首萬餘級又破總兵師福

於分水關入崇安縣巡撫楊文忠見執死賜諡節愍遂襲克福州明禮部尚書

曹學佺字能始侯官人等死之通政使馬思聰自縊死太僕少卿王瑞初避之山中有欲薦令出

死○馬思聰長樂人郭符甲晉江人俱賜諡節愍清軍駐福州分兵徇漳泉諸郡縣

相繼下閩地悉平鄭芝龍自安平奉表來降其子成功成功初名森明主事

哭諫不聽芝龍既入朝成功因慨然去儒冠儒服拜孔子廟而行未幾遂

與鄭鴻逵鄭彩等各率所部走入海

綱冬十月清兵克贛州圖明總督萬元吉素有才蒞事精敏及失吉安

士不用命昏然坐城上對將吏不交一言隔河清兵營徧麓元吉指為空

營兵民從清兵營中至者言軍勢甚盛輒叱為間諜斬之贛州受圍既久

諸道援兵稍集元吉部將汪起龍率師數千雲南叛將通印還胡一青率師三千大學士蘇

諸將欲戰元吉欲待水師至並力而中書舍人袁從鶚一作來從鶚郴州人募沙兵

三千吏部主事龔棻南昌人兵部主事黎遂球字美周番禺人募水師四千皆屯南

安不敢下兵部主事王其宏安福人謂元吉曰水師帥羅明受海盜也桀驁

難制棻遂球若慈母之奉驕子且今水涸巨舟難進豈能如約不聽清兵

萬元吉
死節

明桂王
由榔稱
帝肇慶

聞水師將至即夜截諸江焚巨舟八十死者無算明受遁還舟中火藥戎器盡失於是兩廣雲南軍皆不戰而潰他營亦稍稍散去會聞汀州破入情益震懼守者亦疲甚清兵用嚮導夜登城鄉勇猶巷戰黎明清兵大至城上發礮礮炸城遂破部將擁元吉出城元吉嘆曰爲我謝贛人使闔城塗炭者我也我何可獨存遂赴水死楊廷麟走西城投水死按紅本作郭維經入嵯峨寺自焚死姚奇允自縊於文廟楊文薦病困不能起執送南昌

絕粒而死俱賜諡忠節奇允賜諡節愍一時同殉者太常寺卿管湖西兵備僉

事彭期生字觀我海鹽人而下凡數十人其冠黎送球袁從鵝通判王明汲編修兼兵科給事

中萬發祥戶部主事林琦兵部主事柳昂曾副武錢謙亨中書舍人孟鈞彭應試推官署府事吳國球監紀通判郭甯登臨江推官胡繩贛縣知縣林逢春皆不屈就戮鄉官盧觀象盛驅男子清疑之烈益奮勇疾鬪及見執其弟勸之降不聽願請贖人曰今日方知我無二心也乃就俘又通判淦君鼎副總兵馬觀鵬將朱永盛兵部主事於斯昌訓導程必遊中書龍嘉震湖東道施生文推官吳世安亦俱不降死○周瑚大名人王明汲金壇人萬發祥新喻人林琦臨縣人曾嗣武甯都人劉孟鈞劉應試俱安福人胡繩桐城人淦君鼎建昌人馬觀鵬順德人朱永盛汀州人於斯昌黃岡人程必遊松陽人龍嘉震太和人姚文仁和人吳世安武安人斯生蒙觀象必進嘉震生文世安俱賜諡愍其弘遂求從鵝明汲發祥琦昂曾副武謙亨孟鈞應試國球甯登統逢春君鼎觀鵬永盛斯昌俱賜諡烈愍

冬十一月明兵部尙書丁魁楚兵部侍郎瞿式耜等奉桂王由榔明神宗孫

桂王常瀛太子稱帝於肇慶 初桂王常瀛卒於梧州長子安仁由擾襲封未

幾病卒由榔當嗣爵會聿鍵敗死報至粵中明總督尙書丁魁楚侍郎瞿

式耜巡按御史王化澄與舊臣呂大器李永茂晏日曙湯來賀董天閔朱

治憫周鼎瀚方以智朱容藩林佳鼎程源等議所立乃共推由榔桂太妃

王氏曰諸君何患於無君吾兒仁柔願更擇其可者魁楚等請益堅遂以

十月十四日稱監國於肇慶以魁楚大器式耜並為大學士魁楚兼戎政尙書大器兼兵部

尙書式耜兼吏部右侍郎永茂請終制化澄以下進爵有差未幾聞清兵已破贛州司禮

太監王坤王肇基崇禎湖監節宣府人作威福屢為言官所劾福王時奔南京福王敗復入闕信王聿鍵棄不用又來粵事由榔命掌司禮監遂撤政事倉卒奉

由榔奔梧州式耜等立爭不得時大學士蘇觀生奉聿鍵命募兵南安亦

退入廣州遣職方主事陳邦彥字令城順德人奉表勸進甫入謁而觀生在廣州

別議立唐王聿鏗後事具邦彥不知也夜二鼓由榔召入舟中魁楚侍語以

廣州事邦彥請急還肇慶正大位以繫人心命南雄勅卒取韶制粵東十

郡之七而委其三於唐王代我受敵從而承其敝由榔大悅魁楚式耜等

乃定議迎由榔復還肇慶十一月十八日遂稱尊號改年永歷以肇慶府

署為行宮

綱明大學士蘇觀生等奉唐王聿鏗稱帝於廣州 丁魁楚等之將立

明唐王聿鏗稱

桂王由榔也。蘇觀生欲與共事，魁楚素輕之，且欲專定策功，慮其以舊相居已上，拒不與議。呂大器亦以其非兩榜，叱辱之。觀生慍甚，適唐王聿鍵弟聿鏗與大學士何吾騶自閩浮海至，南海關捷先，番禺梁鍾朝首倡，兄終弟及，議觀生遂與吾騶及布政使顧元鏡侍郎王應華曾道唯總兵林察等，擁立聿鏗，改年紹武，就都司署為行宮。封觀生建明的字兵部事進吾騶等秩擢捷先吏部尚書旋與元鏡應華

道唯並拜東閣大學士分學詩部招海上鄭石馬徐四姓海盜授總兵等官，與肇慶相拒。時倉猝舉事，治宮室，服御鹵簿，通國奔走，夜中如晝，不旬日除官數千，冠服皆假之優伶，市人傳以為笑。

綱明主由榔遣兵攻廣州不克。目先是明主由榔遣給事彭耀順德人主

事陳嘉謨齋救往諭唐王聿鏗，至廣州以諸王禮見，備陳宗支倫序及監

國先後語甚切至，因歷詆蘇觀生諸人，觀生怒執耀殺之。嘉謨亦不屈死，耀嘉謨俱賜諡節愍

即日發兵攻肇慶，以番禺人陳際泰督師，由榔遣兵部右侍郎林佳鼎帥

兵赴三水，佳鼎故粵中監司，與林察同姓相善，察使羣盜詐降，佳鼎信之，

乘勝追至三山口，亂作，全師皆覆，佳鼎同僉事夏四敷赴水死。俱賜諡節愍時

肇慶大震，瞿式耜視師硤口，以王化澄代佳鼎督師，呂大器辭官入蜀，遂

廣肇交

清兵克廣州

唐王聿錫被執

以化澄為尙書起李永茂為大學士未幾亦罷

○十二月清兵克廣州執明唐王聿錫廣東平

○蘇觀生既敗肇慶兵意自得務粉飾為太平事而委任關捷先及梁朝鍾捷先小有才便筆札

朝鍾善談論浹旬三遷至祭酒有楊明競潮州人者好為大言詭稱精兵滿

惠潮間可十萬即特授惠潮巡撫又有梁濞者妄人也觀生才之用為吏

科都給事中與明競大納賄賂日薦用數十人觀生本乏猷略兼總內外

任益昏昏招海盜資捍禦其衆白日殺人懸肺腸於貴官之門以示威城

內外大擾清兵由福建趨潮州惠州俱下之長吏皆附降即用其印移牒

廣州報無警觀生信之是月十五日聿錫視學百僚咸集或報清兵已偪

觀生叱之曰潮州昨尚有報安得遽至此妄言惑衆如是者三清兵已自

東門入觀生始召兵搏戰兵精者皆西出倉猝不能集觀生乃自縊死觀生

上梁鑑所問計梁曰死耳復何言觀生入東房蓋入西房各拒戶自縊觀生蓋其詐稍留聽之

○朝鐘及太僕寺卿霍子衡南海人行人梁萬爵番禺人新城知縣廖翰龍門

人等皆死之聿錫方事閱射急易服踰垣匿王應華家俄縋城走為追騎

所獲饋之食不受曰我若飲汝一勺水何以見先人地下投縵而死周益